




VITÆ HVMANÆ  
PROSCENIVM  
sub Persona  
GVSMANNI ALFARACH  
*representatum.*  
CASPARE ENS *edidit.*



DANTISCI,  
*Sumptibus Georgii Försteri,*  
*S. M. R. Bibliopole,*  
M. D. C. LII.  
*Cum Privelegio S. M. R. Polonie*  
*et Sueciae.*



VA1 153254



PROSCENII  
VITÆ HUMANÆ  
PARS TERTIA.

IN QUA  
*VELUT CATASTROPHE*  
*Historia, seu mavis, Fabula de vita*  
GUSMANI ALFARACII  
*imponitur.*

*Omne tulit punctum qui miscuit utile dulci.*

editore

GASPARE ENS L.



DANTISCI

---

Sumptibus GEORGII FORSTERI.

L  
E  
teor  
sed  
Ma  
pus  
cira  
vere  
futa  
Bre  
Bon  
qui  
nul  
cien  
imm  
lute  
Le  
Cu  
eog  
reb  
ve  
re  
Va

# LECTORIS.

**E**N tibi tertiam partem nostræ deva-  
riis vitæ humanæ casibus Fabulæ. Fa-  
teor multò longiùs illam extendi potuisse :  
sed illud mihi observandum putavi , ut  
Manum , quod ajunt , de tabula. Sco-  
pus unicus fuit Iuventutem de iis quæ in  
vita accidunt præmonere ; ut inde sibi ca-  
vere ac prospicere contra tot tamque ver-  
sutas fraudum strophas ac technas condiscat.  
Breviter , ut malum , id est , vitia fugiat ;  
Bonum , id est , virtutem , sectetur. Si  
qui erunt severioris frontis Catones , qui  
nullius rei , nisi honestæ mentionem fa-  
ciendam censeant : næ ego illos plorare ,  
immo Anticyras navigare jubeo. Male vir-  
tutem dignoscet qui vitia non viderit. Tu,  
Lector illud cogita :

Cuivis potest accidere , quod cui-  
quam potest :

eoque cum Gusmanno nostro nec secundis  
rebus efferri te , nec adversis frangi patia-  
re : Et quam potes mature , si non matu-  
re , tandem tamen ad frugem te recipe.  
Vale.

# INDEX CAPITUM TERTIÆ

Partis.

- I. *Qualem vitam Madriti egerit Gusmanus ; post cum uxore inde proscriptus.* 1  
II. *Hispalim se confert , & cum matre domicilium jungit.* 16  
III. *Nobilis feminae servituti se addicit : sed ob furta ad remos damnatur.* 28  
IV. *Vitæ in tiremi exactæ non minus mirabiles quam miserabiles casus exponit.* 39  
V. *Servitute liberatur ; deque virtutis vi differit.* 65  
VI. *Histrionibus seu Comædis se applicat ; & multas regiones pervagatur.* 68  
VII. *Vxore ducta cauponam exercet : & ab Alchymista misere deplumatur.* 73  
VIII. *Relicta hominum societate , in eremum se confert , reliquos annos divino cultui impendit ; fitque Mundo mortuus.* 77

PAR-



# PARTIS TERTIÆ,

## CAPUT I.

*Qualem vitam Madriti egerit  
Gusmanus : post cum uxore  
inde proscriptus.*



ADRITUM ut venimus,  
dici vix potest quam subito  
per totam urbem de novi  
cujusdam lepidi negotii ad-  
ventu fama sparsa sit, qua  
plèrique Venerei nepotuli excitati; di-  
versorium nostrum tanquam sturni cir-  
cumvolitabant; multi etiam ut oculis  
rem ipsam æstimarent, non sine cau-  
ponis lucro iisdem in ædibus genia-  
liter epulabantur. Erat inter vicinos  
veteramentarius quidam, supra con-  
ditionem dives: à quo rogati cujates  
esse-

*Vultures  
Venerei.*

*Suspecta  
humani-  
tas.*

essemus, quò haberemus iter, quod vitæ sequeremur institutum, quum ea quæ placebant homini respondissemus, magnificis cumulamur promissis: quibus ut homo strenuus satisfaceret, statim suo nomine nobis domum ab ancilla quadam sibi perfamiliari, conducit. nec satis hoc, etiam de victu abunde nobis prospicit, tam vino quam varii generis cibariis per servum missis: deinde ipse ad nos venit. Gratias pro tam inexpectata humanitate ago, quantum in singula expendit interrogo. Quin tu, inquit, homo officiosissimus. nugas has missas facis? Pudet me vel mentionem tantillæ rei fieri. Majora sane præstare & possum & volo. Amplector tam prolixum officium: nego tamen me permissurum ut illa ipsi noxæ seu damno sit humanitas. De contentione nihil remittenti tandem ait ille, octo regales, ut vocant, à se expensos: quos ei statim restitui: ne vero illi extra limina evolarent, sed potius usuram aliquam parerent, ajo negotium mihi foris esse, sumptoque pallio me proripio, ne cuiquam essem molestus. Reversus, cenam opipare instructam invenio. Ineptus profecto fuisset si cujus sumptibus ista com-  
para-

*Artes  
lenocina.*



parata fuerint, quæsiuissem. Et ipsa hospita nos ad cenam adventitiam invitârat, cui etiam veteramentarium interesse volebat. Ea hilariter peracta, firmissimæ, uti videbatur, quasi fundamentum fuit amicitia. Hinc ille non solum frequenter ad nos ventitabat, verum etiam animi gratia deambulantes comitabatur, sæpe quoque ipse deducebat, de suo sumtum faciens. *Ganionibus nihil satis.* ut paucis dicam, etsi omnia ille faceret quæ poterat, omnia tamen mihi parum videbantur. Ut verum fatear, dolebam talem mihi hominem, satis liberalem illum quidem, & opulentum, potius quam è magnatibus aliquem ab initio objectum. Sciebam mulierum hoc genus ex quo mea fuit, farinae esse similes: cujus florem delibant Principes & Magnates; partem minus puram degustant medioximi; fursures verò devorant porci. Jam domus nostra tam ad ornatum quam necessarios usus spectante supellectili instructa erat; jam uxoris meæ mundus ita accreverat, ut formam ipsam egregiè commendaret: sicque ignorant mihi, aut certe ignorantiam affectanti Fortuna, sua largiebatur. Unum mihi præ cæteris molestum erat; quod aniculam hospitam nostram.

*Majori  
cede.*

explere non possemus, cujus conniventia magno nobis constabat. Sed & veteramentarii jam me tædium ceperat, postquam dignior aliquis locum ejus ambire cœpit. Et si enim vix quidquam in ipso desiderare poteram; aliud tamen & vitæ meæ ratio & res ipsa flagitabat. Numquid vides hodie quatuor vānīre numis, quod cras decem æstimaretur? Tempus precium rebus ponit. Sartore si opus habeas, non quæris an bonus sit Musicus; si Medico, parum refert quam palæstræ sit peritus. Quod quærebam ego numus erat, non genus, non doctrina, non virtus. cetera omnia susque deque habebam. Nec satis mihi erat bene incedere vestitum, victu uti liberali & exquisito; sed extraordinariis indulgebam sumtibus: eoque æquum mihi videbatur ut boves seu oves illæ quæ ad præsepe meum veniebant, ad vivum usque detonderentur seu potius digluberentur. Jam ipsam in qua sedebant sellam; jam colloquia quibus detinebantur, jam libertatem quæ ipsis permittebatur, vix auro satis digne expendi posse existimabam: in quo quidem bonus ille veteramentarius nonnihil claudicabat Novo tamen illi amanti nulla re ostendere volui ipsius me ambire  
gra-

*Quam  
damno-  
sus  
Amor-*

gratiam seu amicitiam, sed satis mihi erat quod meam ille unice ambiret. Nihilominus quia peregrinus erat, caute admodum incedebat. Invitarem ego illum ultro? Spemuntur oblata. Alteri illi nuntium remitterem? hoc vero erat Spem precio emere, & instar Æsopici canis, certum pro incerto dimittere. Sic ergo lupum quasi auribuste nens, occasione insidiabar; interea vero coetus lusorios diligenter obibam, id unice studens ut lucelli aliquid, aut etiam munusculi ab amico bona fortuna uso objecti domum mecum asportarem. Quod si forte domi invenissem Veteramentarium, extracta crumena uxori quantum visum fuerat in sumtus do: ne illi animi mei tam turpi rei consentientis vilitas suboleret. Aliquando etiam cū imperio pecuniam ab illa flagitabam qua in lusus & alias res uterer: quam illa sine ulla tergiversatione, debita cum reverentia mihi porrigebat. Peregrinus interna spe plenum pectus circumferens gratiam nostram & favorem enixe exambiebat; ego vero & ipse partes meas ago. Cavendum mihi satis intelligebam, ne duos rivales intra ædes admitterem: quum ut est in proverbio, unum sterquilinium duos gallos non ferat, nec ipsa mea uxor inter

*Etiam  
mali  
mali-  
tiam  
celant.*

tot amorem dividere sustinebat. Tandem vero ubi Veteramentarium manum restringere animadverti, quum e contra peregrinus ille & serviendi & donandi nullum finem faceret, consilium capio mutandi hospitii, sicque relicta illa anicula, proprias mihi ædes conduco. Ex illo tempore Peregrinus multo magis me observare, colere; ego Veteramentario medium ostendere digitum. Tandem apertè ei dico, ideò à me domum conductam ut arbitrio meo vivere mihi liceret; eoque rogare me ut in visitandis meis ædibus eam licentiam quam hastenus non sumat, fieri enim posse, ut tam ego, quam uxor aliis rebus sumus occupati, atque ita amicis ad nos venientibus vacare nequeamus. Quum ille tonum hujus cantilenæ facile intellexisset, ita à me discessit, ut vix umquam postea intra limen meum pedem intulerit. Firma inde inter Peregrinum & me meamque uxorem coaluit amicitia, quam ille summa prodigalitate stabilire atque alere unicè satagebat; in primis verò vel levem beneyolentiæ significationem appenso quasi auro uxori meæ remunerabatur. Solebat ille sæpius ad mensam me invitare, atque de ipso prandio vel cena ( sic mos habet Hispaniæ

*Gratius  
quam-  
din das.*

*Fuge li-  
ens ava-  
rum.*

niæ cum mea bona venia ex optimis  
 ferculis aliquot uxori meæ domum mit-  
 tere : unde nobis postea in multos dies  
 victus suppetebat. Unum mihi displice-  
 bat quod hæc tam palam fierent ut ne-  
 mo omnium tam obesæ naris esset quin  
 facile id quod erat subolfaceret. Cui  
 enim ego persuaderem, uxorem meam  
 à potente & opulento homine tam ma-  
 gnifice tractatam videnti, nescire me  
 quamobrem ille id faceret? Sed tacita ho-  
 minum judicia facile contemnebam; pes-  
 sime me vero habebant, immò quasi cor  
 mihi effodiebant hominum maleferia-  
 torum vocolæ, qui à tergo mihi quasi  
 ciconiam pinsentes, & digitis Tauri si-  
 gnum effingentes, superbum meum ve-  
 stitum quo magnifice me inferebam, *Cornige-  
vis*  
 spolia esse conjugalis pudicitiae ita mus-  
 sabant ut facile exaudire possem. Vah, *sanna  
poslice.*  
 inquit unus, quam bellis mercimoniis  
 negocia exercet Gusmanus ! quam  
 opulentam facit mangoniam ! Non  
 vides tu *Corneolum* illum pulcerri-  
 mum pileo ipsius affixum ? fieri sane  
 potest ut horum obtrectatorum ali-  
 qui fortunam meam mihi invide-  
 rint : alii Corneolos similes & ipsi ge-  
 starint non tamen in se, sed in me vide-  
 rint. Amator interea noster donis &  
 muneribus totos nos nexu mancipio-

que suos fecerat : neque ego me dominum ædium sed ipsum ; agnoscebam. Tam hyeme quam æstate res mihi familiaris crescebat , argentum , monilia , armillæ , & quidquid preciosum ; crescebant supellectilia , aulæa , culcitæ , vestes , stragulæ , vestimenta omnis generis. Quid multa ? Magnati alicui his rebus par eram. Sed pessimum erat quod nullos statos haberem redditus , nisi quantum ille dabat : quod etsi multum erat , sumtibus tamen quos tam domi quam foris faciebamus , tenue erat : qui annua bina ducatorum millia explebant. Si quando hominem totum in amorem dare vellem , Quin tu , inquam , mea Gratia , fides sumis , ac patroni nostri bene meriti aures animumque permulces ? Sic illa fides tangens , vocemque applicans , hominem magis magisque amore accendebat : interim vero diligentissime cavebat ne quidquam vel faceret vel præferret quo conscientiam meam prodendi & offensam aliquam significandi necessitatem mihi imponeret. Nemo erat nostrum cui non secreta ista seu Cybeles seu Cereris paterent ; nemo etiam erat qui non alteri persuasum vellet se nihil eorum scire. Certe de his ne gry quidem inter nos. Mansuetum ego & patiens eram animal , si domum

*Vitiosa  
parum  
durant.*

*Ajute.*

mum rediens ostium clausum invenis-  
 sem, ne plusans quidem aliò diverte- *Patient-*  
 bam, ne scilicet præsentia mea aliis esset *ter.*  
 molesta; si apertum, ingredi nihil pensi  
 habebam, quod absolutis mysteriis, vul-  
 garia tantum quæ arbitrum patiuntur,  
 tractari animadverterem.

Jam in felicitatis portu ( quid enim  
 aliud quæreret aut somniaret homo vo-  
 luptatibus unicè deditus, omnisque vir-  
 tutis oblitus ) navigare mihi videbar :  
 quum ecce subito mutant venti, & è  
 portu in periculosum & calamitosum  
 mare me referunt. Et sane fieri non pos-  
 se existimo ut quisquam in eodem, quo  
 tum ego mari navigans, atroces tempe-  
 states adeoque ipsum naufragium evi-  
 tet. Fama tantæ tam venustatis quàm  
 amabilitatis per totam urbem excitati  
 etiam Magnates & è Nobilitate præci-  
 pui ædibus nostris obambulare, fenest-  
 ra, ostium observare, amicitiam meam  
 ambire: quæ res miserè amantis animo  
 gravissimum vulnus inflixit, quamvis il-  
 lorum consuetudinem ego diligenter  
 vitarem. Quum ego rivalet sibi partos  
 videret, multo effusiori liberalitate dona  
 in nos congerebat, nec muneribus ullum  
 ponebat modum: sed animadvertens tan-  
 dem iis quibus amor conciliatur & reti-  
 netur rebus paria se cum tantis magna-

*Cede &  
tu.*

tibus facere non posse, paullatim quasi ultro subducere sese cœpit. Et sane amoris (de turpitudine nihil dicam, tam sumtuosi finis alius esse non poterat quam poenitentia. Equidem tam corrupto non fui iudicio quin res planè absurda & ab omni ratione aliena mihi visa fuerit, amicæ vel scorto potius aggerere aurum quasi corbibus, vilem interim Dei nomine stipem petenti denegare: quod sæpius facere ipsum vidi. sed meritam nemo nostrum effugit poenam. Ego & uxor ut ditesceremus, bona illius amatoris non tam arrodebamus quam devorabamus. & ille quidem indies fiebat pauperior, nos tamen ne numulo quidem ditiores. Fugiebat ille, succedebant alii, quâto potentiores tanto rebus nostris inutiliores. Hi enim tales etiam quum beneficium accipiunt, dare sibi videntur. Plumbeas iras gerunt, sed pluma levior apud eos est gratia. Quid cum talibus agas, quorum preces etiam sunt imperia? quorum amicitia non tam honori tibi quàm damno sit? Apage hominum hoc genus! Mihi non semel talem è visitatoribus aliquem hoc modo alloqui lubebat: Quid tibi, domine, debeo? Cur in domum meam venis? Cur rebus alienis abuteris? in qua re me iuvas? ubi mihi prodes? Cur vis ut omnia promittenti, nihil tamen danti, nihil gratifican-

*Mores  
Magni-  
tudo.*



canti ego operibus, verbis, atque etiam cogitationibus serviā? Quid multis? Tam damnosa mihi fuit prurientium Magnatum familiaritas, ut ad egestatem; tam superba illorum licentia, ut in magistratus potestatem brevi devenerim. Quidam enim Ædiliū, ab emissariis quid ageretur domi meæ edoctus, ut, velut Æsopicus ille leo prædam speratam solus sibi servaret, me cum uxore ad se trahi jusserrat, composito ad severitatem vultu utrumque acriter increpans. Ego quid ageretur *Mali* subodoratus simplicem me fingo, omnium *Magi-* quæ dicerentur ignarum. Placuit il- *stratum.*

li mea excusatio: statimque duabus positis sellis assidere sibi jubet. Tum cujas essem rogat. Hispali natus me audiens, Oh, inquit, Hispaline tu natus es civitate totius orbis præclarissima? Inde in urbis laudem digressus, pleraque ejus ornamenta memoriter enumerabat. At audito patris mei nomine, cum notissimum sibi agebat, quinetiam in lite quadam se patronum ipsi adfuisse victoriamque obtinuisse prædicabat: alia tam multa addens, ut nihil aliud esset reliquum quam ut se cognatum, aut etiam patrem meum profiteretur. Audiebam hæc ego magna cum admiratione, nec tamen sine stomacho sic apud animum meum ratiocinabar: Deum immortalem, quam

*Omnia  
licere  
sibi  
putant.*

imperiosi sunt Magistratus ! quam arrogantes & superbi ! Nihil certe est, quod non licere sibi putent. Tum mihi in mentem venit cujusdam Judicis , qui quum in ceteris rebus partes muneris sui fideliter expleret, una tamen in re peccabat quod erga muliebre genus nimis comis esset & humanus , eoque frequenter ad libidines suas abutebatur.

*En  
scrupulosum  
ex for-  
mali.*

De quo reprehensus, Atqui ait , evol-  
vat Instructionem mihi datam quis-  
quis vult ; si vel verbulum in ea de ca-  
stitute servanda repererit , pœnas dare  
non recuso. Scilicet tale hominum ge-  
nus licitum sibi putant , quidquid ex-  
presse non est prohibitum : etiamsi id  
ad aliorum pertineat injuriam. Novi  
Judicem , qui quum inter multas alias  
pauperculæ cujusdam viduæ filiæ vim  
intulisset , de injuria conquerenti marti,  
& filiæ honorem perditum exprobranti,  
numulum unum & alterum dedit, jussit-  
que uti emtis aliquot candelis quod  
amissum dixerat diligenter quæreret.  
Equidem vix apud me sum , quum ejus-  
modi res fieri & video & audio. Sed ad  
rem. Jussit me Judex domum ire , pro-  
lixè oblati omnis humanitatis officiis.  
*Precor  
magna-  
rum  
impe-  
ria.* Paucos post dies nihil tale nobis cogi-  
tantibus idem Iudex dum pro more no-  
ctu urbem lustrat, ex Inopinato super-  
venit

venit, ostiumque pulsans, potum aquæ frigidæ (erāt enim media æstas) poscit. Ego de siti conjecturam faciens, prope-  
re ad eum descendo. ut mecum ascen-  
deret rogo. Quod quum non gravate  
fecisset, sellam poni, & de bellariis seu  
conditis fructibus promi aliquid jubeo.  
quibus delibatis, frigidam ille hausit.  
Sermonem inde exorsus, ait, per urbem  
obambulando se defatigatum: eaque no-  
cte multas formosas sibi visas mulieres;  
sed ex omnibus nullam uxori meæ  
comparandam. Inprimis vocem ejus  
celebrari. Jubeo ego Gratia meæ te-  
studinem sumere, vocemque fidibus  
applicare. Obstupefcens ille quum jam-  
diu nihil suavius sibi auditum, nullum  
pulcrius spectaculum visum pejerasset,  
utrique amanter valedicit, me verò ut  
sæpius ad se viserem humanissime invi-  
tat. Sane tanti tamque potentis viri ami-  
citia nobis nequaquam respuenda vide-  
batur, ut quæ nostræ fragilitati & si qui  
incidissent erroribus valde posset esse  
utilis: eoque sæpius ad eum officii cau-  
sa, comeabam. Hinc factum ut die quo-  
dam mihi nihil minus cogitanti mentio-  
nem injiceret, quæ cum pater meo ipsi  
intercesserat amicitia (at uxoris meæ  
amicitiam ille quærebat) cujus respectu  
lubens meritoque mihi gratum esset fa-

eturus: simulque nescio quod famelicum  
 tabellionis munus offert. Excuso me  
 tamquam imperitum & inhabilem: sed  
 illo nihil remittente ut indignationē ejus  
 evitare. collum jugo subdere coactus  
 sum. Erat vero tam lucrosus illud me-  
 um munus, ut omnis ejus proventus vix,  
 ac ne vix quidem unius prandii sumtui  
 satis fuisset. Videbam me measque res &  
 spes omnes perditas: mussandum tamen  
 erat. Tanto verò indignius mihi facinus  
 visum erat, quod pro injuria (quid  
 enim aliud tale beneficium?) gratiæ e-  
 rant agenda, ferendi hominis supercilio-  
 si mores, claudenda domus mea omni-  
 bus aliis, soli fortunarum mearum ar-  
 chitecto, scilicet, aperienda. Jam indies  
 atterebatur res mea familiaris: vende-  
 bantur suppellectilia, ut esset sumtus in  
 cibum. Indignissime hæc ferebat uxor  
 mea, & victui liberaliori & vitæ liberio-  
 ri assueta: absurdam existimans mul-  
 tam subjectionem & paucam provisio-  
 nem: coque subducere se ac omnia caus-  
 sari cœpit, ut consuetudinem imò etiam  
 aspectum ejus vitaret. Id ille agi sentiens,  
 statim & ipse beneficium suum revo-  
 candum sibi censuit, meque rationes ad-  
 ministrationis meæ reddere jussit, quæ  
 ejusmodi fuerunt ut non modo nihil lu-  
 cri, verum etiam multum damni fecisse  
 me

*Sic decet  
 beare  
 amicos.*

me deprehenderim: nec dubium erat, si diutius in pice illa hæsissem, quin rem omnem familiarem fuisset jugulaturus. Sed *ô* ingratum hominem! Tantum ut nos pedibus suis advolutos & suppliciter deprecantes videret, aut suum ipse dolorem ulcisceretur, urbe etiam proscribi nos curavit. Equidem tum mecum sic ratiocinabar: Potens iste homo id vult, ut & voluptatem & utilitatem à me meisque capiat, atque ego id ipsum quod multa cum ignominia & probro (de molestiis & laboribus nihil dicam) acquisiveram, in suas impendam voluptates: interim illos ipsos acquirendi modos mihi præcidit, dum solus Gratiae meæ amoribus potiri, nihil tamen dare vult. Sed non sic erit. Unum eruit ipse mihi oculum, ego duos ipsi. Faxe sane ut ubi re & spe frustratum se senserit, amores suos frustra postea requirat. Sed quid? Illa ipsa proscriptio percommode mihi accidebat, instante jam tempore quo creditoribus meis, quibuscum transegeram, solvendum erat. Quum ergo certis interim indiciiis accepissem matrem meam adhuc in vivis esse, Hispalim mihi quam minimo strepitu commigrandum statui, statimque ad iter me accinxi.

*O ultio-  
nom.*

## CAPUT XXII.

*Gusmanus Hispalim commigrat, & cum matre domicilium conjungit.*

*Con-  
scien-  
tia mille  
aestas,*

**Q**uemadmodum post tempestatem etiam tranquillam jam maris est quidam tremor; ita animus etiam, depulso jam omni periculo, nutat tamen, & libertati suæ vix credit. Ego sane quamvis in portu navigare mihi videretur, quotiescumque tamen mentis oculos ad prioris meæ vitæ cursum reflectebam, toties nescio quæ anxietas præcordia mihi occupabat. Hei me miserum & infelicem! Adeone perverso & perduto ingenio esse quemquam, qui cum tanta existimationis & honoris sui jactura id agat, ut cuticulam curet, & quod inde superest in chartas & aleam profundat? sed quo dementiæ veneram, qui domesticæ ignominia ignarus videri volebam, quum interim nemo nesciret, victum, vestitum, adeoque omnes sumtus domesticos ab uxore me petere, & accipere? Fieri sane potest ut thori sui maculam quis deprehendat, dissimulet tamen, quum nihil aliud profecturum se viderit quam ut Camarinam moveat, aut suo jumen-

to, quod dicitur, malum sibi accersat. Hos ego non ferendos modo, sed etiam laudandos censeo, modo ne ipsi tam probroso malo ansam dent. At vero ut quispiam suæ ipsius uxoris leno sit, quid magis probrosum, quid magis inauditum. Quid enim aliud agebam quum eam à libidinosis hominibus non visitari modo paterer, sed etiam ultro ad aliorum ædes deducerem? ubi illa non corporis modo & morum venustate, sed fidium quoque & vocis suavitate quod reliquum erat lenocinii sibi ipsa faciebat. Sed ad rem. Madrito cum uxore & sarcinis rhedæ impositis, egressus, Hispalim lento itinere admodum pergebam, quod uxor currus succussiones ægerri-me ferens, initio valde langueret, deliciis omnibus privata quam quas è catello quodam Melitensi, gremio ipsius assidue incumbenti, capiebat. Et sane mirum est quam pleræque omnes nobiles mulieres caniculis ejusmodi delectentur: ut non aliter eas secum circumferant, & in manibus habeant quam Medici chirothecas & annulos, barbitonsores citharas, Monachi breviaria, Angli (at jam Germani quoq;) Tabaccum & tubulos. In hoc itinere & primis post adventum nostrum diebus dici non potest quantas spes mihi ipse fixerim, Jam mihi no-

*Mulie-  
res gau-  
dent ca-  
niculis*

vam



yam Indicorum commerciorum domum  
 ibi constructurus videbar, in quam tam  
 nautæ quam mercatores è Peruana aut  
 aliis novi Orbis regionibus venientes,  
 aurum coribibus essent congesturi. Dum  
 interim urbem ipsam obeam, uti etiam in  
 ipsa via, ultimam pueritiæ meæ memo-  
 riam renovabam, ipso locorum aspectu  
 monente. Prima nocte in diversorio  
 non satis commode exacta, mane cum  
 sole surgens, nihil prius habui quam ut  
 domum conducendam, tum etiam ma-  
 trem meam diligenter investigarem. Sed  
 adeò omnia mihi mutata videbantur, ut  
 non Hispaliū, sed in novum Orbem de-  
 latus mihi viderer. Sic obambulans, do-  
 mum video, scheda valvis affixa indice,  
 locandam: qua inspecta, cum domino  
 de locationis precio in singulos menses  
 paciscor, ac mox sarcinas & fortunulas  
 mecum advectas inferri jubeo, meque  
 ad quietem compono. Post biduum so-  
 litarie exactum, Gratia mea, Indignum  
 facinus, inquit, mi Gusmane, me in tam ce-  
 lebri, tam magna, tam opulenta urbe  
 tamdiu hære, & nihil interim de ejus  
 admirabili splendore, stupendis stru-  
 cturis, & inusitata magnificentia oculis  
 usurpasse! Ad Gradās ergo eo, & famu-  
 lum (ibi enim stationem suam habent)  
 conduco qui Gratiam, hominum loco-  
 rum-



rumque ignaram per urbem comitaretur & circumduceret. Illa quidem dici non potest quanta cum admiratione, adeoque stupore tam urbis quam hominum magnificentiam contemplata fuerit. Et sane meo quoque iudicio verissimum est quod vulgò dici solet: *Qui non ha visto Seviglia, non ha visto meraviglia*: Qui Hispalim non vidit, nihil admirabile vidit. Ego interim diligenter facta inquisitione, tandem matrem meam reperi, solam cum puella scitula admodum & formosa (quam pleriq; pro filia ipsius habebant) habitantem, & vitam quibus poterat artibus tolerantem: tum tamen impetrare, non potui ut sese in domum meam transferret, quod puellam quam à teneris ferè educaverat, ægre relinqueret, & sub nurus quasi imperium ire recusaret. Quamvis autem illius formam multi anni valde jam corrupissent, facile tamen juvenilis nitoris vestigia apparebant. Ejus aspectus in memoriam mihi revocabat, nihil esse quod non conficiat & consumat vetustas; oculisque ad uxorem meam conversis, idem illi post paucos annos futurū cogitabam. De me quoq; idem ratiocinabar. Sed hæc aliaque bene & utiliter mihi consideranti idem evenit quod viatoribus in hospitio diversan-

*Omnia  
labem-  
tur.*

fantibus : qui ob sitim famemque restin-  
 xerunt , posito poculo , iter suum pro-  
 sequuntur. Multa quidem bona & ho-  
 nesta consilia non raro suggererat ani-  
 mus ; sed prævalebant cupiditates : qua-  
 rum explendarum desiderium salutare  
 cogitationes ac curas in ipsa quasi herba  
 enecabat. Tandem à matre impetravi , ut  
 domicilium mecum & cum uxore mea  
 conjungeret : quam illa pro sua quam  
 longis annis acquisiverat prudentia , sa-  
 lutaribus admodum præceptis erudie-  
 bat. Unum perincommode nobis tum  
 accidit , quod magna annonæ erat cari-  
 tas , qua quidquid fere nobis erat reli-  
 quum absumebatur. Sed & matri meæ  
 cum nuru male admodum convenie-  
 bat , quæ liberiori vitæ assueta , servitu-  
 tem quasi ægerrime ferebat. Quid mul-  
 ta ? Non jurgia tantū , contentiones & ri-  
 xæ , sed digladiationes quoque & dimi-  
 cationes inter eas frequenter intercede-  
 bant. Ego quid facerem ? Matrem offen-  
 dere pietas prohibebat ; uxorem , amor.  
 Quotiescumq; igitur nubes tempestatem  
 minantes videbam , sumto pallio foras  
 provolabā , vacuum quasi arenā utrique  
 ad dimicandum relinquens. Maximope-  
 re hinc irritata uxor , quæ auxilium sibi à  
 me deberi persuasum habebat , amorem  
 in quendam militum ductorem transu-  
 lit,

*Nuru  
 eum so-  
 cru.*

lit, & infcio me convafatis quæ fupere-  
 rant preciofis rebus, cum eo in Italiam  
 profugit: nec quid illa factum fit, quid  
 poſtea reſciſcere potui. Divortium hoc  
 initio valde mihi erat moleſtum: ſed me-  
 cum perpendens, vere ſtultum eſſe qui  
 uxorem ſuigritivam retrahere ſtudeat, &  
 non potius ei tamquam hoſti fugienti  
 pontem ſternat, tacitùs mihi velut de li-  
 bertate gratulabar. Quin? Egone illam in  
 Italiam ſequerer, ubi tam multa illauda-  
 bilia facinora à me perpetrata erant? Sed  
 & ut verum fatear, domeſtici probri tæ-  
 dere me, pigere atque pœnitere cœpe-  
 rat, qui non tacitis modo cogitationi-  
 bus, ſed publicis etiam hominum male-  
 feriatorum voculis paſſim tamquam ſui-  
 pſius thori proſtitutor traducebar. Quia  
 vero uxor leberide nudior me reli-  
 querat, ex hominum frequentia me cum  
 matre in urbis quendam angulū ſubdu-  
 co, vitamque venditis quæ ſtragem eva-  
 ſerant ſupelleſtilibus vitam utcumq; ſu-  
 ſtento. Jam lacer erat veſtitus; nec quid-  
 quam ſupererat unde novum facerē, aut  
 negotiationis aliquid incoẽptarem, niſi  
 ad veterem illam meam redirē. Noctur-  
 næ ergo venationi me accingo, & per  
 tenebras incautè ambulantium pallia in-  
 volo; iiſque onuſtus domum reverſus,  
 mira metamorpoſi prædam omnem  
 con-

*Vitio-  
 rum  
 ſatietas  
 etiam  
 apud  
 malos*

*Grassatores no-  
flurni.*

concinno, reconcinno, dissuo, muto, ut quæ pallia vesperi fuerant, mane togæ, thoraces, & tantum non omnia essent, ac publice etiam vænum prosterent, atque iis etiam ipsis quorum fuerant interdum venderentur. Non placebat hic modus acquirendi matri meæ, eoque sæpius me hortabatur, ut si non mihi, ipsius saltem senectuti vellem parcere: veritaque ne res tandem in nervum erumperet, puellæ illi quam filiæ loco habebat, rursus sese applicat, & ad pristinum vitæ genus redit. Ego quoque mihi non deeram, & ejusdem artificii homines nactus, tam consilio quam opera ita eos adjuvabam ut è præda genialiter viveremus. Per illos dies quum continuæ ferè caderent pluvix, iisque tota quasi urbs restagnaret, atque ideo plerique omnes domibus sese continerent, ad restim pene nobis res redierat, quod ædes hinc inde visitandi erepta nobis esset occasio. Forte per obscurum angulum obambulans domum video non ruinosam modo, sed etiam aliqua ex parte collapsam. Dominum mihi inquirenti ajunt, viduam esse quamdam nobilem, simulque plateam ubi habitaret designant. Accedo. ut copiam mihi in ea aliquantisper habitandi faciat rogo, enixurum me pollicitus, ut quod reliquum

*O assuetiam.*

quum erat sartum tectum conservaretur. Illa pro me sollicita, ne ruina opprimeret, diu cunctabatur: tandem verò precibus meis victa annuit. Quid enim, agebam, tam inops à rebus omnibus ego timeam, cui vita etiam superflua & gravis est? Post diem unum & alterum, animadvertens miram esse materiæ ad ædificandum necessariæ paucitatem, ad forum profectus, per præconem proclamari jubeo, si quis tignos, lateres, trabes veteres ædificii emere vellet, ad designatum locum veniret. Adsunt mox magno numero fabri, licitantes, & de prærogativa pæne verberibus inter se contententes. Cum eis tandem certum pactus precium, sexcentos regales in antecessum capio, & ut sequenti diè ad materiam asportandam adsint moneo. Acceptis numis, ad viduam ædium dominam eo, & admirabundus quæro, quid rei sit quod per atriensem & ligna & lapides ejus in qua dies aliquot commoratus essem domus vendi, meq; emigrare jusserit. Illa quū nec sibi atriensem esse, nec de ulla venditione quidquam constare dixisset, Atqui, inquam, crastinus eam in rem præstitutus est dies, quo emtores omnē materiam asportatū venturi sunt. Mihi hoc indicare tibi satis visum. Sequenti die in locū quemdam ejus vici-

viciniæ me confero unde speculari & observare omnia poteram. Ad sunt fabri, manusque demoliendis ædibus & asportandæ materiæ admoliuntur; opponit se viriliter cum suis matrona. oriuntur jurgia, rixæ. itum tandem ad judicem est; ejusque sententia fabri damnum omne refarcire coacti. Per eos dies aliquot domi ego me continui, luculento quem ex januis & valvis asportatis feceram, cum matre foco assidens, & de sexcentis illis regalibus liberaliter sumtum faciens.

Non multò post ad B. Augustini nescio quod festum celebrabatur: ibi ego (nā festa ejusmodi à tale genus hominibus plerumque celebrantur) quum vidissem mercatorem quemdam cujus femoralia argento, uti mihi videbatur, tuebant vestigia ejus insequens, accurrente magna hominum multitudine & uno alterum urgente, manum dexterrime facco inferens, cum pulvisculo omnia eram excepturus: verum quum capere omnia manus non posset, & in pavementum numi quidam decedentes strepitum excitassent, strophiole statim extracto, fingo unà mihi argentum extractum. Secedere mox omnes, & locum mihi recolligendi mea dare: quin etiam ille ipse cujus numi illi fuerant, operam mihi in iis recolligendis impendebat. Ego  
gratiis

gratiis actis, cum præda domum rever-  
sus, genio meo litavi. Sed magno mihi  
furtum hoc constitit. Quid miseri op-  
tatis ut conatus vestri in maleficiis bene  
vobis succedant? Nihil aliud inde lucri  
facitis quam ut ad flagitia sitis proje-  
ctiores. Sed quum facinora ejusmodi  
furcam ascendere mihi viderentur, ad  
subtiliores magisque tutas artes ani-  
mum converti.

Habebam in mea potestate crume-  
nas non paucas quas hinc inde sublege-  
ram. Ex iis unam quæ melior mihi vi-  
debatur ita reconcinno ut agnosci non  
posset. Indo tres scutatos duplos, &  
quingenta semicapitados seu regales  
argenteos, digitale argenteum, & qua-  
tuor annulos: quæ omnia quum matri  
meæ commonstrassem adeoque scriptis  
consignata dedissem, ne quum usus esset  
aberraret, accedo ad Patrem quendam  
seu Monachum, singulari concionandi  
peritia tota urbe percelebrem. Sermo-  
nem inde exorsus, Ego; inquam, mi  
Pater, peregrinus sum in hac civitate,  
& ut verum fatear, vix est unde mise-  
rum hoc corpus sustentem. Jamdu-  
dum conditionem quæro qua vitam to-  
lerem, & animæ meæ (neque enim  
quidquam ulterius quæro) quietem con-  
ciliem, victu & vestitu mediocri con-  
ten-

*Sed  
hanc  
palma-  
rem.*

tentus : sed frustra hæcenus laboravi ,  
quum omnes à pannositate mea ac pau-  
pertate abhorreant. Fateor non defu-  
turas mihi rationes quibus etiam plus  
quam necessaria acquiram : sed Deus  
nunquam siverit ut animum ego malis  
artibus applicem ! quin potius statutum  
est mihi fame prius emori quam quid-  
quam contra divinam Majestatem, aut  
quod in meam redundare possit ignomi-  
niam, perpetrare. Mane hospitio meo  
egressus, ut operis aliquid quærerem,  
media in via crumenam hanc reperi :  
quam inspicere satagens , quampri-  
mum auri & argenti fulgor oculis meis  
objectus fuit, humanæ fragilitatis me-  
mor , valide restrinxi : & quia nihil ma-  
gis opto quam ut vero domino redda-  
tur, ad vestram Paternitatem eam defer-  
re visum est, ut proxima Dominica pu-  
blicè factò præconio, is inquiratur.  
Bonus ille & Religiosus vir quum me  
audisset, tamque heroicum & à vestitu  
meo plane dissentaneum facinus vidis-  
set, inspecta crumena, O te beatum, in-  
quit, mi frater ! Est vero ut Deo sum-  
mas agas gratias , qui gratiæ suæ radiis  
ita animum tuum collustravit ut intelle-  
cta humanarum rerum fragilitate, nihil  
magis caveas quam ne conscientiam  
tuam macules. Tu mihi crede, ille qui  
tam



tam bonum & generosum tibi inspiravit animum, etiam reliqua ad vitam necessaria non denegabit. Magnum est quod jam facis, & quod perditio hoc sæculo paucissimi facturi sint. Ego faxo quod mei erit officii: tu post eos dies quibus præconium fecero, ad me redibis. Quo animo, quo corde hæc me audisse cogitatis, & boni hominis sanctam simplicitatem, & extremam meam versutiam ac malitiam animo considerantem? quam ut tanto melius absconderem, illachrymatus sum: nec minus bonus ille Religiosus mecum lachrymas fundere cœpit. Sic est: Quisque ut habet mores ita de aliis judicat. Sequenti Dominica, in quam etiam Festum Omnium Sanctorum incidere, bonus ille Pater magnam concionis partem de me meoque heroico facto consumpsit, tanto admirabilius esse dictitans quanto majorem meam inopiam coram ipse vidisset. Hinc multi ultro ad prædictum Patrem venerunt, stipem quam mihi elargiretur, liberaliter porrigentes. Postero die accedit ad eum mater mea, & demonstratis omnibus signis, ait suam illam esse crumenam: quam bonus Religiosus, deprehensis veris indiciis, non gravate illi reddidit, pro me tamen intercessit ut decem regales mihi

tamquam Herculi, quem dextrum scilicet habueram, consecrarentur. Recuperata crumena, ita ut ne acicula quidem (nam & harum aliquam multas chartæ involutas, ut à muliere esse tanto magis fieret verisimile, inserueram) deesset, post biduum ad Concionatorē virtutum mearum buccinatorem redeo, videoque tantum vestium acervum meum in usum congestum ut ad decennium uni mihi satis futuræ fuissent: nec regales illos modo, sed & plures alios ex eleemosynis collectos accipio: quin etiam bonus ille Pater iussit ut post dies aliquot ad se redirem, ut qui conditionem non aspernendam mihi invenisset.

### C A P U T III.

*Gusmanus nobilis, feminæ servituti se addicit, & ob furta ad remos damnatur.*

**Q**Uærenti mihi quænam illa esset conditio, meque excusanti quod, ignotus utpote, neminem haberem qui pro me, quod fieri solet, sponderet, Ille, Curam hanc, inquit, mihi relinque; tu eas tantum quas in te sitas arbitror artes, fidem & diligentiam ad hoc munus adfer. Accipio conditionem, ut  
quam

quam rebus meis restaurandis commo-  
 diffimam arbitrarer. O quanta vis est  
 consuetudinis ! Ajunt Eam alteram esse  
 Naturam : sed ego multo potentiorē  
 judico , utpote quæ plerumque ipsam  
 quoque Naturam vincat, certē corrup-  
 pat. Quod si consuetudo seu usus cum  
 veritate jungatur , nihil eo , nisi ipse  
 Deus , est potentius. Quid miserum  
 pastorem in desertis campis , in profun-  
 dis vallibus , in montium fastigiis contra  
 omnes cœli injurias obdurat ? usus. Quid  
 ferocissima domat animantia ? usus :  
 quem tempus tandem non confirmat  
 modo, sed etiam in ipsam vertit Natu-  
 ram , immò , ut dixi , ipsi Rationi tan-  
 quam tyrannum imponit , ut non quod  
 illa dicat, sed quod hic jubet, faciamus.  
 Expertus loquor. Negotiis nobilis fe-  
 minæ , cujus vir in Indiis agebat , tra-  
 ctandis admotus, mirum est quam brevi  
 tempore omnes quibus institores utun-  
 tur artes perdidicerim : ut qui jam ante  
 in similibus essem valde exercitus. Quos  
 ego modos augendi mercibus precium  
 non excogitavi ? quam diligenter feneri  
 seu usuris incubui ? Jocus erat per ani-  
 mam meam , per Deum ipsum pejera-  
 re , si quando emtores accesserant : hoc  
 vel illud mercimonium pluris mihi con-  
 stituisse quam indicarim , ne teruncium

*Vis con-  
 suetudi-  
 nis seu  
 usus.*

*Instito-  
 rum  
 (malo-  
 rum.)  
 mores.*

*O hypo-  
crisis.*

quidem me lucrifacere. opus mihi esse  
præsenti pecunia: coque me tam vili  
precio addicere: Brevis res meas ad fun-  
dum redituras si aliis idem velim facere:  
multaque alia addens ad fidem perjuriis  
meis conciliandam; quum interim  
non nescirem immanes esse quas exer-  
cebam usuras: ut nisi numus unus,  
quamvis natura sua sterilis, alterum  
mihi pareret, operam & oleum perdi-  
disse mihi viderer. Ut vero omnibus fi-  
dem facerem veræ meæ pietatis & bonæ  
conscientiæ, ut qui lucrum quidem  
non aspernari, animæ tamen salutem  
multo potiore habere studerem: quo-  
tidie magnum numerum pauperum ad  
fores nostras confluere, & per horam  
unam aut alteram stare ibi passus, sin-  
gulis postea exilem admodum stipem  
largiebar: non alium in finem quam ut  
alii postea tanto facilius mihi, tantæ  
religionis, scilicet, homini res suas  
crederent, numquam reddendas. Nec ve-  
ro beneficus erga eos eram qui maxime  
digni erant eleemosyna, sed potissimum  
erga eos quos iis apud quos insinuare  
me volebam, laudes meas deprædica-  
turos sciebam. Et quia natura timidus  
eram, injurias omnes ob Dei amo-  
rem, ut videri volebam, condona-  
bam. Jejunabam frequenter, ut tem-  
perans

perans viderer, & meis sumtibus parcerem: at si de alieno ageretur corio, lupus eram. Ajunt certe, hoc nationis nostræ vitium esse ut de nostris parces, de alienis liberales admodum simus. In templis eram assiduus, rosario, libello instructus. Obibam hospitalia, obibam carceres, & stipe quidem tenui, multis tamen verbis egentes & afflictos solabar. Quid multa? nullum erat pietatis exercitium quo non ad malitiam & fraudes meas abuterer. Hæc enim omnia agebam, ut alii tanto facilius mihi res suas crederent. Recte ergo faciunt qui Fronti fidem habendam negant.

His moribus (neque enim illa cor mihi inspicere poterat) quum me apud nobilem illam feminam insinuassem, brevi totius quasi rei familiaris atque ipsius etiam familiæ cura in me translata fuit. Jam ego non ut famulus seu minister, sed ut cognatus, ac penè ut filius tractabar. Magnas Deo gratias agente matrona quod me talem sibi suisque rebus curatorem objecisset. Inter sermones rogabat illa me nonnunquam ut mariti sui salutem Deo precibus commendarem: ad quæ ego tam tenere, tam pathetice respondebam, ut tota in lachrymas solveretur: quum interim

*Mali bene plerumque tractantur.*

*Pares  
cum pa-  
ribus.*

non modò fortunis ipsius, sed familia quoque abuterer. Erat inter domesticos servā (ego initio liberam credideram) moribus plane mihi similis. Quia vero Similis simili gaudet, ita illa statim sese mihi applicuit, ut à cubiculo meo abigi non posset: uterque tamen interim sic furtanostra celabamus ut nec matronæ nec cuiquam domesticorum quidquam sub oleret. Abundabat penu meū omne genus bellariis, fructibus conditis, & delicato tam cibo quam potu. Linea mea supellex, indusia, lintea, nasitergia, aliaque talia ita nitebant, ita candebant, ita sarta conservabantur, ut melius non possent. Etiam numi aliquando subministrabantur. Mihi quidem facile erat conjicere unde illi essent; simulabam tamen me nescire: adeoque ut tanto artius illam mihi devincirem, ajo, me illam amare unicè, idque ante omnia propediem velle agere ut in libertatem vindicarem, spe quoque facta matrimo-  
nii: quum apud me statuissem convasatis quas possem rebus novum Orbem quærere, & ultra Garamantas Indos profugere. Jam enim hera deplumari se, immò bonis omnibus everti à me senti-  
ens, communicato cum uno ex cognatis suis consilio, manum mihi injici & reddendi rationes necessitatē imponi jusse-

*Celari  
nequit  
malitia.*

jusserat; vultu interim & manibus ad solitam humanitatē ita compositis ut tale quid ne suspicarer quidem. Quum ergo die quodam negotii causa prodiissem, ex inopinato apprehendunt me ad id apppositi lictores, & in carcerem abducunt. Quid mihi tum animi fuisse putatis? *Vis conscientia.* Illud maxime anxium me habebat quod nescirem cujus hoc jussu factum esset. Veniebant mihi in mentem facinora in Italia, Madriti, & ubi non? commissa. Cubiculum interea meum perlustratur, aperiuntur cistæ, excutiuntur omnes anguli, sed paullo minus nihilo ex omnibus heræ fortunis apparet. Prudens sane feceram, qui res omnes ad matrem meam extra omnem fere hominum notitiam in solitudine quasi viventem congestissem. Veniunt ad me in carcerem heræ procuratores, rogant ubi numi sint aliaque heræ bona, quid illis factum. Reddo ego rationes tales quales, nego penes me quidquam esse ex omnibus heræ fortunis. Accusor multo gravius; inquiritur diligentius: sed apparent rationes, *argentum οὐχ ἔχων.* Mittit hera ad Religiosum illū cujus commendatione me illa in familiam suam receperat; remque omnem exponi jubet. Ille prudens & sanctus, me inauditum reum pronunciare noluit. Venit post & ipse ad me in

carcerem : quærit quid rei sit : verumne illud cuius hera & cognati me insimulant. Perfriētissima fronte nego omnia : calumniis & insidiis me circumventum lamentor : sed sperare me Deum non minus quam Josephi & Susannæ causam meam acturum : lubenter interim fateri ob multa alia peccata hanc poenam mihi à Deo iustissime inflētam , quam etiam tamquam à manu & paterno animo profectam , patienter ferre velim. Anceps nesciensque quid tota de hac re statueret bonus Pater , debiliori tamen parti , quoad liqueret , favendum censuit , verbisque solatii plenis causam meam curæ sibi fore promisit : statimque à me digressus , Actuarium adiit , rogavitque ne innocentem me opprimi pateretur. Simpliciter hominis ille ridens narrat quæ interea de me , meis fraudibus & furtis comperta essent : unde bonus ille quasi attonitus candide vicissim ei aperit quibus modis ego me apud se insinuassem. Rem totam audiens Actuarius jam multo notiora malitiæ meæ vestigia deprehendit , tantaque indignatione exarsit , quod tam sancto viro tam turpiter imposuissem , ut si ipse in me habuisset potestatem , statim me in furcam acturus fuerit. Inde capitalium

rerum

*Enim-  
pium &  
perditū.*



rerum quæstori rem omnem narrat, immò scriptam quoque sua manu exhibet, non aliter ac si rem ipsius atque existimationem atrocissime læsissem, aut patrem quoque occidissem. Ex quo factum ut carceris custodi me in obscurum antrum includere mandatum fuerit. Miserum me si dies ille omni argento carenti mihi supervenisset! Habebam sane & crumenam bene instructam, & vestes non paucò auro & argento fartas, ut qui aliquamdiu jam nihil aliud quam fugam circumspexissem: sed, crede mihi, ignis est carcer, omnia amburens, omnia consumens & in suam substantiam vertens. Concluduntur ibi unà innocentes & rei: nemo tamen omnium est qui reus sibi videatur. Ut paucis dicam: si inter vivos ullum sit infernum, carcer est istud infernum, aut ad minus, Purgatorium.

*Afflicto  
addun-  
tur af-  
flictio-  
nes.*

Intellecta captivitate mea, contubernalis, illa quam tam ex heræ bonis quam de suo etiam tam liberalem erga me fuisse supra dixi, quotidie quidquid necessarium mihi erat mittebat, non aliter ac si cœlum manna in me plueret. Ubi autem ad remos me damnatum audivit, summo dolore percussa, ejus indicem sequentem epistolam ad me misit.

*Cor meum mellitissimum , anime mi ,  
jam , ut audio , ad remos dammate.*

*Epistola  
amica-  
bilis.*

Has litteras non ad alium finem scribo quam ut melancholiam à te abigas & lætus sis. satis enim est quod ego sola contristor , quæ post eum diem ex quo captus & in carcerem ductus fuisti, quicquid dormivi, quum te forte pulices, culices, cimices, pediculi quiescere non permiserint. Hodie vero postquam audiui te à Prætoris ad fustuarium & porro ad remos damnatum esse, dicere non possum quanto dolore fuerim affecta. Utinam vero tam crudeli Judici non lumbi modo fustibus dolentur, sed caput quoque frangatur! Sciat bonus ille vir te non perpetuo in carcere futurum. qui si faciem meam videret, videret quasi parietem continuo lachrymarum imbre lotum. Et quamquam tantæ illæ fuerint ut prope totum Mundum inundare potuerint, multo tamen copiosiores futuræ erant nisi verita essem ne iis funditus submergerer, sicque postea mihi societate tua carendum esset. Latrrix harum dicet tibi quot capillos è capite meo evulserim, ubi tam tristem sententiam accepi: simulque dabit viginti Regales, quibus te genium tuum recreare, meique memoriam refricare volo: etsi scio proœmiis istis apud te opus non esse, cui etiam  
unum

unum momentum quo nonnumquam ad subdendum ollis ignem à te digressa eram, mille anni videbatur. Mitto tibi quoque viridis coloris cingulum, ut cognoscas spem meam, fore scilicet ut brevi te liberum videam. Quod si tui caussa opus fuerit vendi me, præstosum: meque tum demum beatam putabo. Ajunt contubernalem tuum Sotum male stare, cui lictor fides ita intenderit ut & ipse factus sit Musicus. Male me habet quod tam vilis homuncio tam garvi viro molestiam crearit, & aliquid forsan dixerit quod & ipsi & aliis nocere possit. Saluta eum meo nomine, quamvis eum non nōrim: & de his bellariis aliquid ei communica. Crastino die panes pinsemus: tunc ego tibi placentulam ex oleo conficiam, ad quam socios tuos sine ullo pudoris metu invitare possis. Mitte mihi linthea squallida, & in singulos dies pura indusia indue. Quia enim te duobus his brachiis amplexari non possum, volo uti servitio tuo defatigentur. Matrona nostra jurat se facturam ut patibulo affigaris; quod ejus substantiam sis furatus. Sed satis ipsa furata est, & tu scis cui. Scio te me intelligere. Intelligenti vero pauca. Si Gomesius te visitaverit, noli cum ipso loqui, est enim homo bifrons, & omnium, maxime

autem Bacchi amicus. Sed jam desino : non tamen desinam Deum precari ut me tibi teque mihi conservet , teque ex ergastulo illo liberet. Scripsi in tuo cubiculo , una hora ante mediam noctem : quum facies interea tua tamquam præsentis mihi obversaretur.

*Nemo  
miseris  
amicus.*

Et hoc quidem non leve erat & malis meis solatium & rebus subsidium. Jam enim ad extrema deveneram , quod mater quoque mea, malum causæ meæ exitum prævidens , quidquam amplius mihi dare recusaret, surreptum sibi dicens quod habuisset. Sed quidquid erat , maluit ipsa retinere quam mihi inutiliter impendere. Ad extremum , eodem tempore causa mea decisa & crumena fuit exenterata. Non erat quo corrumperem Actuarium; Judicem habebam iratum , patronum invitum quasi , procuratorem tergiversantem. Totus flaccidus & inanis relinquebar non aliter , ac pergularum uvæ à vespis exsuctæ. O quam verum est illud , Tanti fieri quemque quantum habeat ! cessantibus fortunis cessare amicitiam, nempe,

*Et cum fortuna statque caditque fides.*  
Ubi rem eò rediisse vidi , seposita omni verecundia regii mancipii personam agere cœpi. Non exigua pars erat mei solatii quod Sotum haberem socium :

cu-

cujus tamen societas pæne me perdidit,  
ut postea audietis.

## CAPUT XIV.

*Gusmanus vitæ in triremi exa-  
cta non minus mirabiles quam  
miserabiles casus exponit.*

**T**Andem ergo ad centrum quò sem-  
per tetenderam, perveni, dignum  
meis factis exitum sortitus. Age, Remex *Scopus*  
jam sum & miserum mancipium: nihil *tandem*  
ergo quod mancipio accidere potest, à *tangi-*  
me alienum porro putandū. Vixi hacten-  
us more meo: nunc porrò vivendū est  
alieno: deferendi mores stratiotici: cutis  
contra plagas, manus callo contra labo-  
res obdurandæ. Risitum quorundam  
contubernalium meorū vanitatem, mor-  
tem ejusmodi servituti præferentium.  
Ego vero sic statuo, qui talia loquuntur  
(nisi plane senes sint adeoque decrepiti,  
qui jam alterum pedem in cymba Cha-  
rontis habeant) minime ex animo lo-  
qui: aut ignorare quam humanæ naturæ  
mors sit horribilis. Equidem si lætum *Vita nū-*  
me fuisse dixero, falsum dixero; gaude-  
bam tamen, vitam mihi salvam relictam *hil ca-*  
ejusque futuras misérias spe solabar. *rius.*  
Nempe quā fata trahunt retrahuntque

sequendum, omnisque fortuna ferendo  
superanda est. Amasia quoque illa etsi  
divortium hoc nostrum ægerrime fere-  
bat, animum tamen suum ea spe susten-  
tabat fore aliquando ut bona fortuna  
nos iterum conjungeret; eoque me su-  
pra præsentem meam sortem iis omni-  
bus quibus opus habebam ita instruxe-  
rat, ut non mancipium sed Officiarius  
aliquis mihi videretur. Cum eo quod ab  
illa acceperam, quodque mater clam  
submiserat peculium brevi tempore au-  
xi, novis captivis, acceptis prius pi-  
gneribus, argenti aliquid fenerando,  
iisdem oleum aliaque queis penu instru-  
ctum habebam, carè vendendo, etiam  
ea quæ incaute custodita erant, suble-  
gendo: quin etiam quæcunque oculi  
mei viderant vix erat ut manus meas  
effugerent. Sed & novitiis multa ridi-  
cula faciebam: candelas accensas calceis  
eorum affigens, naribus sulphureum  
admovens fumum, aures junco inser-  
to titillans, ac nihil omnino omittens  
quod humana excogitare potest mali-  
tia. Iis enim locis & apud eos homines  
noscitur quidem Deus, sed non timetur,  
multo minus amatur. Videas ibi sen-  
tinam flagitiosissimorum hominum, fu-  
rum, lenonum, homicidarum, rapto-  
rum, latronum. quod si quispiam forte  
non

non omnino perditus aut facinorosus  
 eò deveniat, is cogitet à Deo id per-  
 missum ut peccata sua agnoscat, & salu-  
 tem animæ suæ curæ habeat. Fuit mea  
 ætate leno quidam perjurus, qui accepta  
 mortis sententia, quum custodes chartis *Præ-*  
 videret ludentes, compedes & manicas *posteræ*  
 ferro graves trahens, in pedes erigere *in morte*  
 se & spatia aliquot facere cœpit. Ro- *cura.*  
 gantibus custodibus quonam tenderet,  
 Ad vos, inquit, ut tempus vobiscum  
 fallam. Monentibus ut preces ad Deum  
 potius funderet, respondit, se exhausisse  
 quidquid umquam didicisset oratio-  
 num; nec jam aliud esse quod ageret.  
 mox ad unum: Tu chartas bene misce,  
 & ex ordine omnibus distribue. Et ad  
 alium conversus, Tu vinum apporta quo  
 molestiam hanc exstinguam. Quum ille  
 nimis serum esse dixisset, Proximæ,  
 inquit, tabernæ fores pulsa, & dic à me  
 peti, verbum sat erit. Ita me Christus  
 amet ut quis negotii hujus finis futurus  
 sit ignoro. Ita sane est. Multi ita desi-  
 piunt ut etiam quum ad patibulum pro-  
 ficiscendum est, capillos & barbam ton-  
 deri sibi jubeant: quasi inde tanto ni-  
 tidiores ad cœlum evoluturi. Tandem  
 concatenati à regio quodam Commis-  
 sario per præcipuas urbis plateas Hispa-  
 li educimur, magna passim concur-  
 rente

rente hominum multitudine, & muliebri sexu fortunam nostram commiserante. O si vidissent qui ante nos viderant! Ex leonibus agnos factos jurassent. Mihi nulla res majori fuit dolori, quam quod mater mea mei ut nunquam nati plane fuerit oblita. Quod si ipsa in tali statu aspicere me non sustinuisset, numquid tamen æquum fuerat ut ex iis quæ ad ipsam congesseram bonis vel tenue mihi viaticum largiretur? Sed fortunam sequitur fides, etiam inter parentes & liberos. Multa ego inter viam animo meo considerabam; in primis autem futura vitæ meæ ratio oculis obversabatur. Paucorum dierum itinere ad pagum quemdam Teste nomine pervenimus, ibique pernoctavimus. Mane egressi videmus rusticum juvenem porcellorum à lacte adhuc recentium gregem versus civitatem ad forum agentem. Capto consilio, aciem quasi in mediæ lunæ formam disponimus, non aliter ac si nobis jam cum Turcia classe confligendum esset; cornua deinde ita claudimus atque adducimus ut totum gregem includeremus. nec mora. ad prædam, quasi capta urbe, properamus frustra que vociferante & quiritante rustico singuli pinguem asportamus porcellum. Adit ille Commissarium,



rium, obtestatur ut rapinam restitui jubeat. negat ille in potestate sua id esse: sibi de re tota nihil constare (consilio enim nostro intellecto longius à nobis discesserat) leberide nos esse nudiores: quibus si forte Deus prædæ quid objecerit, nolle id se nobis eripere. Ad tabernam ubi venimus quieturi paulisper dum meridiei æstus deserveret, viresque potu ac cibo restituturi, jubet Commissarius (quamvis bello non interfuisset, prædam tamen nobiscum partiturus (ut unus de porcellis illis sibi affaretur. Magnus inde inter nos ortus tumultus, quum quisque suum sibi servare satagit. Occasionem hanc insinuandi me captans, accedo hominem, ultro prædam meam offero: addo præterea jam ab adölescentia me culinariæ artis non esse imperitum. quod si compedes mihi demi jubeat (quod sine periculo fieri possit, siquidem diligenti custodia essemus circumsepti) velle me ejusmodi ferculum apparare quod ipsum Jovis cerebrum saperet. Laudat ille animum meum, demtisque compedibus, addito custode, jubet artis meæ periculū facere. Etsi vero vix quidquam in loco illo ad manum esset quo cibum facerem sapidiorem; pristina tamen mea usus peritiā, porcellum ita apparavi,

ravi , talique condivi embammate ut digitos ille sibi prælingeret. Venerant interim in diversorium viatores aliqui , quibus valde molestum erat quod in nos incidissent : ut qui vix salvis auribus à nobis evasuros se non frustra timebant. Invitat illos humaniter ad se Commissarius , & in eadem mensa assidere jubet : quod quidem illi non inviti fecerunt. Eorum unus sarcinulam in qua caseum , panem & carniū aliquid portabat , infra mensam pedibus suis apponit , & depromto inde quantum volebat edulio comessatur. video juxta aliam sacrinulam ex eo genere quas Valigias vocant : ratus in ea aliquid amplius inesse quod usibus meis valde futurum esset commodum. Adstans inde ad heri ministerium , polubrum aqua frigida plenum refrigerando potui sub ipsam quoque mensam pono , cultelloque in sinistram manicam abscondito , dum frequenter lagenam ex aquali depromens , me inclino , fibias solvo ; sed quum catenula solvi non posset , cultello per interius corium cæsim ducto , inserta manu duos extraho fasciculos graves admodum. quibus in caligas meas propere conjectis , fibias rursus uti prius erant , adduco. Finito prandio , surgunt viatores , & resumtis sarcinis abeunt.

*Cavete  
viatores.*

unt. nos quoque. Jam socius meus Sotus cum quo prius fueram concatenatus, alium habebat, magna cum mea molestia, ut cujus consilia & operam ad celandum furtum mihi valde opportunam fore arbitrabar. Antequam ergo compedes mihi induerentur, accedo hominem, & secreto meo auribus ejus infusurato, utrumque ei fasciculum custodiendum trado: ne forte viatore, animadverso furto, nos persequente, id apud me deprehenderetur: quod tamen mihi ipsi inspicere nondum licuerat. Lubens ille volensque depositum accipit: occisoque occulte suo porcello, fasciculum utrumq; indit; ita appositis ad vulneris locum visceribus ut furtum facile occultaretur. Quum res jam inibi esset ut compedes mihi rursus injicerentur, rogo Commissarium ut priori meo socio jungerer: quod ille non garrate fecit. Sic combinati more solito facimus iter. Interrogo Sotum, saluumne esset depositum. Quod depositum? inquit ille: *Si fecisti*  
 quas tu mihi fabulas narras? An tu in- *nega.*  
 fanis? Non ex malitia hæc sed ebrietate potius. (paullo enim largiusculè homo temulentus de suo in diversorio se invitaverat) responderi existimans, postquam in proximum diversorium pervenimus, iterum quæro quid deposito illo factum

factum esset. Tum indignari ille, caperata fronte & vultu tetrico me obtueri. Quod tu, inquit, mihi narras depositum? Tunc ullum teruncium mihi umquam credidisti? quem ego hominum postremissimum vix de facie quidem novi. O quam grave vulnus tum animo meo fuit inflictum, quum in ingenioso & felici furto operam & oleum periisse mihi viderem! Sed artium quibus hodie vivitur non ignarus, dissimulabam dolorem; immò multo liberalius ipsi quam antea, quidquid habebam communicabam: interea tamen fieri non poterat quin aliquando mentionem tantæ perfidiæ injicerem, ad quam ille, homo impotens & iracundus, ita exarsit ut ad vociferationem ipse Commissarius accurreret, hominemque fustibus non perfunctorie cædi jusserit. Roganti quid rei esset cur sic ille vociferaretur, respondi, Sotum sibi vindicare omnia, mihi nihil relinquere. Sic enim cogitabam: Si rem totam Commissario aperis, spes est si non totam prædam, saltem partem ejus ad te redituram. Quid autem tu feras tam turpiter te ac nequiter ab impuro homine deludi? Narro ergo rem totam: ille prædam spe jam devorans, Soto imperat ut sine ulla mora aut tergiversatione depositum promat. Negat ille

*Fur  
major  
minorem  
spoliatur.*

ille pertinacissime quidquam à me habere. Sed fidiculis jamjam admovendus mox rem omnem fatetur. Sic ergo non præda tantum sed ipse quoq; porcellus ad Commissarium rediit; sic ut quidnam illud fuerit ego ipse adhuc nesciam; promissis, sed ne teruncio quidem onustior à Commissario dimissus. Quum vero Sotus quasi totus extra se positus ubicumque me postea propinquum videret, involare mihi in oculos, longinquum etiam lapidibus impetere niteretur, nihil aliud inde lucri fecit quam ut injectis quoque manicis tanto esset miserior.

Inter has turbas ad classem, quæ contra Turcas expeditionem factura, in procinctu stabat, perventum: in quam dum distribuimur, infausta mea sors voluit ut ego & Sotus eidem navi, & quidem locis admodum vicinis imponeremur. Dum imus, venit ad me Commissarius noster, seque gratum fore erga me ait: sed mox consenso mulo abit. Equidem tum factum meum damnam, quod illi potius quam misero meo socio præda cecidisset. Sed spes me fefellit, ut qui plane mihi persuasissem, si non maximam saltem, aliquam prædæ partem ad me redituram. Ad scamnum in quo sedendum mihi erat ducto veterani

*O gratum hominem.*

*Preci-  
pua  
fortu-  
nam ne  
postula.*

rani adventum gratulantur : cujus humanitatis lubenter ego illis gratiam fecissem. Dantur inde nobis vestes , nempe bina indusia , binæ caligæ , una interula colorata , pileolus , non quidem ille libertatis , sed miserrimæ servitutis indicium & pignus. Adest mox tonsor , mihiq̃ue capillos omnes tam barbæ quam capitis abradit , non sine magno meo dolore , ut qui hactenus tam barbam quam capillamentum maximo studio educâram atque ornâram. Sed quum idem omnibus fieri viderem communem fortunam recusare nec poteram nec debebam. Quacunque oculos verterem , nihil certe nisi omnium malorum sentinam & miseriarum videbam asylum , ut verum tamen fatear , quando prioris mei recordabar matrimonii , præsentem meam fortunam illi quodammodo præferebam : utpote si non corpori , animæ tamen saluti magis profuturam. Ad remos alligamur , diaria sumimus , Deus bone , quam à pristina mea vita abhorrentia ! Delicatus initio eram : sed mox usu didici , Optimum condimentum esse famem , & ventri famelico nullum cibum gravem. Eant isthuc quicunque ita sunt educati ut panem ab aliis tactum aut leviter unctum gustare , immò ne aspi-

*Delicati  
& Fasti-  
diosi.*

cere

cere quidem sustineant: qui cibos ita degustant ut plura relinquant præsemina quam bolos comedant. peream nisi biduo aut triduo hic ad aliam victus rationem fuerint assuefacti. Mihi quoque omnia initio valde erant gravia: sed ubi consuetudine obdurui, quæ de fleram antea, postea ridebam. Quum vero illud in omni mea vita deprehendissem, ad res omnes in quacunque fortuna nullum esse præsentius, nullum commodius, nullum magis salutare remedium quam pecuniam; & inter tot harpyjas vix fieri posset quin mearum vestium & sarcinularum quas mecum navi intuleram, aliquid involaretur: venditis omnibus, ducatos aliquot aureos confeci: quos, ne & ipsi mihi perirent, nec apud quemquam deponere, quum alia ratione tuto asservare non possem (quantum enim fidei penes hominum esset genus in Soto jam expertus eram) liberet, interulæ penitissime infutos ita mecum circumgestavi ut tam dormienti quam vigilantitangere eos nemo posset quin pectus simul mihi tangeret. Erat inter vicinos meos homo ipsius Lavernæ manibus ad furta factus, qui, dicere non possum quot modis huic meo thesauro, seu potius animæ meæ fuerit insidiatus. Quoties ille dormienti mihi obrepfit, & excussus

*Nihil  
tutum ob  
harpijas.*

cussis pannis meis omnibus, quum nihil quam ulcus illud pectori meo quasi infixum deprehendisset, frustra suas omnes artes consumsit! Nec enim quidquam inde mihi auferre poterat nisi me totum simul abstulisset. Diligenter interim ego rationes fortunasque meas considerans facile intellexi nihil prius mihi faciendum quam ut eorum qui nobis imperabant demererer benevolentiam, ejus in primis qui fuisse nobis singulis momentis tremendus imminabat. Totus ergo nutum ejus observans, nihil prætermittebam quo illum mihi redderem propitium, præstitis quæcunque poteram ministeriis: quæ quidem ille non aspernabatur, vix tamen transverso me intueri dignabatur oculo: quotiescumq; vero lætiori me vultu aspexerat, jam illū tamquam plenariam fustuarii indulgentiam & tam à culpa quam pœna liberationem mihi interpretabar. His moribus sunt hoc hominum genus, ut omnia sibi, nihil à se cuiquam deberi existiment. Eo me usque ego demisi ut muscas interdiu, noctu culices ab ipso abigerem, & medio æstu flabello ventum facerem: sic denique ut potenti alicui Principi servirem. Sed coacta erat hæc, non ultronea servitus. Quis enim non serviret homini fustem semper

*Quærendum mi-  
seris assy-  
lum.*



per manibus gestanti? Quotiescumque somnum capere non posset, aderam, & fabulæ alicujus narratione tempus fallebam, aliaque multa ridicula & dicebam & faciebam ut consuetudine ille mea unice delectaretur. Alium ille jam diu habuerat ministrum; quem quum aspernari inciperet, dici non potest quam id ille moleste tulerit. Sed quid faceret? Ferendum erat quod mutare non poterat. Erat vero homo toto corpore macilentus: quem ipse herus sine indignatione vix poterat adspicere. Quærit ex me: Quid causæ tibi videtur, mi Gusmane, quod Ferminus meus (id enim nomen erat mancipio) quum bene pinguis & crassus in tîremem venerit, tam turpi macie deformis incedat, quamvis nihil ei tam ad cibum quam ad potum desit, adeoq; nec bolus sit cujus ego illum non faciam participem? Re- *Maciei causa.*

spondi, forte illum esse è pullorum Cætanorum genere, qui quanto melius pascuntur, tanto minus valent. Ut vero, inquam, nodum hunc plane solvam narro tibi, mi domine, Fuisse non ita pridem in urbe Granatensi novum quemdam Christianum, prædivitem: qui suo more vivens suoque indulgens genio, toto corpore singularem nitorem adeoque obesitatem præferebat. Non multo

post quum in vicinas ac pæne contiguas ædes quidam ex Inquisitorum numero commigrasset, bonus ille sic subito flaccescere ac macie deformari cœpit, ut vix pellis ossibus hæreret. Sed ut hujus quæstionis solutio melius intelligatur, veram audi, si placet, historiam.

*Faceta  
Narratio.*

Almanfori Granatæ Regi inter familiares præcipue gratus fuit quidam nomine Ruserizius, homo prudens admodum, justus & verax, multisque aliis ornatus virtutibus quibus Regem unice sibi devinctum tenebat, ut nihil ab eo peteret quin impetraret. Hanc quamvis debitam tot virtutibus felicitatem invidentes quidam aulici, Regi amorem quo virum cum complecteretur ultro prædicanti insusurrarunt, Hominem illum qualemcunque tanta Regis benevolentia non dignum esse. Quin tu ergo, ajunt, ut scias quantum ille te amet, & quanti te imperiumque tuum faciat, rem aliquam difficilem ei mandas. Placuit Regi consilium. Non solum, inquit, rem difficilem, sed etiam impossibilem ei faciendam imperabo; vocatumque ad se ita alloquitur: Est quiddam quod omnino à te fieri volo: quod tu nisi effectum dederis scito omni te mea excidisse gratia. Vervecem habeo præpinguem & bene curata cute  
niti-

nitidum. Eum volo ut tu domi in præsepi tuo abundanter iis ipsis pascas cibis quibus apud me pastus est. adeoque melius tractes si plus ille appetierit : ita tamen ut illum eundem vertente uno mense, macilentum mihi, debilem & flaccidum restituas. Conditionem hanc recusare non ausus Ruseritius ( ut cui id unice propositum erat Regi bene servire & obtemperare, ) quamvis quod iussus erat impossibile factu videretur, ad lætitiā vultu composito, Nullam, ait rem umquam tam gravē, tamq̃ arduam fore quam Regis amore non esset perfecturus. Sic domum reversus, reique, difficultatem etiam atque etiam animo considerans, tandem sagacissimo suggerente ingenio, aliquid naturæ valde consentaneum comminiscitur. Caveas duas ligneas è firmissimo ligno fieri curat, & unam proxime alteram collocat. Earum alteri vervecem, alteri lupum includit. Verveci interim paululum uti iussus fuerat abundanter præbet; lupo vero tam tenue, ut semper famelicus dentibus frenderet, & unguibus clathra effringere conans, verveci inhiaret, qui hostis tam vicini metu licet pabulum totum absumeret, non tantum non pinguior, sed indies etiam macilentior evasit, vix quidquam ut præter

ossa & pellem haberet. Hac arte homo ingeniosus non tantum integram Regis benevolentiam conservavit, sed plurimum quoque adauxit. Vervex ille Fermius mihi videtur; quem ipsa quam tecum habet familiaritas etiam in cibi potusque abundantia macilentum facit: dum scilicet anxie id unum studet ut bene tibi serviat: quæ anxietas pinguescere ipsum non sinit. Non vulgariter ille nugis his meis delectatus, me statim suo adhibuit ministerio, suæ ut tam suppellectilis quam culinæ mihi curam committeret. Ad id autem profuit mihi hominis familiaritas & apertus in me favor, ut non quidem mancipialibus servitiis essem liberatus, facerem tamen quid & quantum vellem, quum nemo contra meam quasi libertatem, plagosi hominis metu, oblatrare auderet. Inerim docebat ille me tibialia, globulos quibus pro fidiis utimur, tam ex serico filo quam setis equinis, aliaque id genus conficere. Ad Gadiatanam interim mittimur insulam, ut malos, antennas, picem multaque alia triremi nostræ inferremus; quod quidem non sine multo nostro labore factum: quo defatigatus ego, postquam herus cubitum se contulit tam profundum mihi somnum obrepere passus sum, ut

mon-

*Artes  
venim-  
gum.*

monstrosos ederem ronchos, quibus excitatus quidam è vicinis meis laver-  
nio, communicatō cum ejusdem farinae  
tenebrione consilio, datis mutuo operis  
tam sollicitè hætenus mihi custoditum  
thesaurum eripiunt, ne minimum qui-  
dem sentienti. Quum sol jam illuxisset,  
graves adhuc somno tollo oculos: mox  
interulam circa pectus factam levio-  
rem sentio. Admoveo manus, tuber tan-  
gere gestio: sed subsederat jam illud,  
immò totum evanuerat. Quis me mise-  
rior? Lamentari non audebam, nihil  
aliud lucrifactorum quam reliquorum  
ludibrium: tacere vero dolor & recu-  
perandi spes me non sinebant. Experre-  
cto hero ad solita adsum ministeria, &  
captata occasione infelicitatem meam  
expono; monstrato etiam adhuc quasi  
calente cubili, è quo nequissimi ho-  
mines leporem mihi excitassent. Veri-  
similia illi omnia visa: & solo mei amo-  
re ductus, furti auctorem indagand-  
um sibi statuit. Jubet ergo omnes qui  
proximi mihi federant aut cubuerant  
adduci, & singulis quinquaginta ictus  
infligi; vulnera deinde seu cicatrices sa-  
le & aceto lavari. Quum ordo ad illum  
jam pervenisset qui illo tempore quo  
furtum factū fuerat, vigilârat, ait ille, so-  
cium suū sensisse se de nocte surgentem

& ad meum scamnum accedentem. Quid vero ibi fecerit nescire se. Insimulari se alter ille audiens, nescio quo casu intricatam sibi catenam cum vicino aiebat ; ad quam extricandam atque expediendam surrexisset. Tam frigidam excusationem audiens herus, hominem mox abripi, & multo gravius quam ceteros fustigari jubet : quas tamen plagas omnes Spartana illa nobilitate concoxit. Ubi verò rursus abripiendum se & crudeli fustuario subiiciendum vidit, furtum fateri quam ad mortem usque cœdi maluit. Sic plagis aliquot illi in pœnam denuo inflictis, numi mihi restituntur. Tum consuluit mihi herus ut quam haberem pecuniam in res utiles collocarem & lucri aliquid facerem. Conimodum non multo post in terram exscenderamus : ubi ego pecuniam omnem meam in res ad victum pertinentes impendi, atque inde non parvam lucri acquisivi, sic ut plebisque morte tristiores servitutes utcumque æquo animo tolerarem.

Non multo post venit in nostram triremem Eques quidam, Capitaneo trimis cognatione junctus : cui usus auream catenam quotidie collo circumferre. Cubiculum huic in puppi erat, omnibus rebus splendide instructum. nescio  
verò

vero quo casu factum fuerit ut duodeviginti annulis catenam deminutam deprehenderit, quod ille furtum etsi ab uno familiarium suorum commissum non dubitaret, nihil tamen exsculpere potuit. Consilium vero ei dedit Capitaneus, ut quandiu in navi moraretur, alicui nostrum potius quam famulis rerum suarum custodiam committeret. Quæritur ergo aliquis: quumque ex omnibus ego maxime visus essem idoneus, non quidem cum bona prioris mei heri gratia, permissu tamen (neque enim tam potentibus negare quidquam audebat) in puppim transferor, ad & Equitem deductus, tam vultu quam sermone ac ceteris moribus facile iis quæ de me dicta fuerant fidem feci. Quum vero ille catenis me sic oneratum aspicere vix sustineret, cum Præfecto egit ut catenis liberatus, annulum tantum crure circumferrem, quo expeditior ad quævis essem ministeria. Mox ergo suam omnem suppellectilem & mundum, facto prius Indice, mihi tradit: quæ omnia diligenter ego asservabam & custodiebam. Et ipse quidem non minus sibi à famulis suis timebat quam ego. Difficilem certe & periculosam valde tum meam fuisse conditionem quivis potest intelligere. Quid enim facilius futurum erat quam

*Subtilis  
Laver-  
nio.*

*Perver-  
forum  
homi-  
num  
impia  
perma-  
cia.*

ut illi surriperent aliquid de quo mihi reddenda postea esset ratio? Sed Argus eram, & quidquid sub custodia mea habebam non minus diligenter quàm ille bonam lo observabam. Laboriosa quidem hæc mihi erat provincia, jucunda tamen, quod esset interdū unde miseris meis sociis beneficerem. Cum Soto enixe in gratiam redire contendebam, sed ab homine iracundo, & tam præfractæ mentis quam perfrictæ frontis impetrare nihil potui. Bene ego ipsi, male ille mihi volebat, & ubicunque poterat, faciebat quoque, me meaque omnia patrata & non patrata facinora apud omnes traducens atque infamans. Surdis hæc ego auribus accipiebam: neque adduci potui ut umquam in ipsum excandescerem, aut male de ipso quoque loquerer. Unica cura mihi erat hero impigre serviendi, ejusque demerendi gratiam, quæ mihi ad libertatem recuperandam forte posset esse utilis. Vestimenta, supellestilia, lectus, cubiculum, omnia denique ita nitebantur sine admiratione adspici non possent. vix vestigium pulicis, cimicis, & id genus animalculorum quibus naves maxmè infestantur, apparebat. tanta ego in iis venandis & eorum nidis ac cubilibus excutiendis utebar diligentia. Sed  
non



non minus accuratè Sotus me, quam ego herum observabat. Applicat se ad unum ex ministris, eique modis omnibus persuadere nititur ut argenteæ aliquid supellectilis clam subduceret, interque res meas absconderet: ut id postea apud me deprehensum furti me reum faceret. Agebat vero hanc optimam esse rationem, me eliminato, ad consueta servitia viam rursus apperendi. quam dura res est odio haberi ab illis à quibus antea amatus fueras! Sapientissimum monitum illud reipsa intellexi, Neminem ita habendum amicum esse *Amicitia ut habenda.* quin inimicum; nec quemquam tam inimicum, quin amicum fieri posse credamus. Placuit homini consilium. Per occasionem argenteum subducit discum, & intra res meas abscondit. Finito prandio mensæ apparatus recensens, quum discum illum abesse viderem, in eoque quærendo nihil ad summam diligentiam reliqui fecissem, hero rem omnem aperio, ut accuratius perquireretur. Nec Capitaneus nec herus quidquā mali de me suspicabantur: Sotus vero interim & per se & per emissarios suos omnibus suggeribat, neminem alium furti esse auctorem quam meipsum. Veteres has meas artes esse ut furer ipse, suspicionem furti in alios derivem. In primis minister ille

*Innocens  
quoque  
damna-  
tur.*

quem à Soto inductum dixi, igni strenue affundebat oleum suadens ut arculæ meæ excuterentur. Jubet hoc fieri herus: & sine longa perquisitione reperitur amissum. Vix ego mentis compos etiam; & quamvis innocentiam meam mea ipsius mihi testaretur conscientia, vix tamen oculos attollere audebam. Jubet statim Capitaneus ut quinquaginta plagæ mihi infligantur; sed heri misericordia & intercessio pœna me liberavit: qui flebiliter orantem ut provincia illa mea alteri traderetur, retinere nihilominus in servitio suo voluit. Fraudem equidem qua circumventus essem facile subolfaciebam; unde autem illa esset, suspicari quidem, probare non poteram. Miserum me! siccine tot superioris meæ vitæ flagitia impune mihi abiisse, jam verò innocentem non commissorum insimulari? Sed ut surgerem, cadendum mihi prius erat. Non multo post quum hero reverso occurrissem, moxq; humeros ejus pallio onerasssem, latus gladio liberasssem, & pro pileo diurno nocturnū porrexissem, exuvias diligenter collectas ad cubiculum defero, & suis quæque locis repono. Mane quum surrexissem, video pileum in solo jacentem (quo vero casu ille delapsus sit, comminisci nunquam potui: nisi quod à malo genio dejectum

*Nulla  
calumi-  
as sola.*

jectum arbitror, ut planissime me perderet: ) Tollo. armillam, quæ preciosa valde, utpote gemmis distincta fuerat, quæro. Sed frustra. Mortuo ego tum magis quam vivo similis, hero hoc quoque sinistrum meum fatum indico. Ille, scio, quam rem agas, pessime, inquit: nempe ut ad prioris heri redeas servitium. Sed mihi crede, non sic erit. Quamdiu namque hac in navi versabor, mihi tu, & non alii cuiquam es serviturus, & pro diario tuo quinquagenas plagas quotidie accepturus. Faxo ego ut quo dignus es ponare loco. An mea illa in te comitas ab usitatis jamdiu tibi flagitiis retinere non potuit? Nempe Gusmanus es Alfaracius? quod unum satis. Quid facerem? Negarem factum? Atqui si vel ipsum dixissem Euangelium, non plus tamen fidei quam ipsi Mahometo mihi datum iri sciebam. Tacui igitur. melius siquidem est tacere quam verba nihil profutura loqui: optimum vero apud Deum gemitus tuos & querelas deponere. Equidem Deo agebam gratias, eundemque ardentibus deprecabar votis, ut me ex hominis ex amico repente facti inimicissimi manibus liberaret. Sic fustuario iterum subjectus, ita cadot, ita sale & aceto perfricor ut anima mea jam in primis labris hæreret. Non tulit

*Tuta fides  
desilenti.*

hoc spectaculum homo mitis cetero-  
 quin & placidi ingenii ; & ulterius in  
 me grassaturos lictores cohibuit : jussit  
 tamen ut transtris redderer, & ibi ab Er-  
 godiocte, cui id aperte in mandatis da-  
 tum, plagis ad necem usque quotidie  
 excarnificarer: quod ille prioris humani-  
 tatis oblitus, strenue faciebat, adeoque in  
 tota fere navi majorum mihi laborum  
 curam demandabat. Enitebar ego sedu-  
 lo ut quidquid imperatum fuerat effectū  
 darem. Hoc quidem tum sensi, Usū  
 omnium rerum optimum esse magistrū:  
 sed plagosam ejus disciplinam ægre ad-  
 modum tuli. Obfirmavi tandē animum;  
 eoque in consilium adscito, statui post-  
 hac ne transversum quidem unguem à  
 rectæ rationis officio discedere.

*A malis  
 non nisi  
 malis.*

Sotus ille quem dixi, non ideo ad re-  
 mos condemnatus fuerat, ut eleemosy-  
 nas ibi faceret, aut infidelibus Euange-  
 lium prædicaret. Miles fuerat à primis  
 annis: eoque multas regiones obiverat.  
 Nobis igitur in Mediterraneo mari flu-  
 ctuantibus, & jam per tempestatem jam  
 per malaciam Mauritanix litori appro-  
 pinquantibus, cum ejusdem gentis man-  
 cipiis & suæ farinæ hominibus impiæ  
 Tragædiæ telam exorsus est, ut scilicet  
 triremem & omnes qui in ea essent  
 Barbarorum potestati traderent. Eam in-

rem qui in factionem procliviores  
 erant, jam arma sibi comparaverant,  
 & clam sub transtris habebant abscondi-  
 ta. Quia verò sine me, ut cui præcipuo-  
 rum ministeriorum incumbēbat cura,  
 parum se effecturos animadvertēbant:  
 consilium ineunt de me in partes suas  
 pertrahendo, omnibus cōsentibus me  
 ab ejusmodi consilio nequaquam fore  
 alienum. Sotus per internuncium (ne-  
 que enim ipse alloqui me sustinebat)  
 rem omnem aperit, Respondi, Rem esse  
 magni momenti, in qua salus omnium  
 verteretur. Opus hic esse non perfun-  
 ctoria deliberatione. Internuncium in-  
 terim, Mauritanum natione, rogavi ut  
 mandata inter me & Sotū ultro citroq;  
 fideliter deferret. Quum totius conju-  
 rationis seriem intellexissem, ipso æsti-  
 vo solstitio militem quemdam submo-  
 nai, ut triremis Præfecto indicaret, ha-  
 bere me res magni momenti quas lu-  
 benter soli vellem aperire. Vocat ille me,  
 rogat quid rei sit. Aperio totam conju-  
 rationis seriem. Fidem initio ille dictis  
 meis habere noluit: sed subito facta in-  
 quisitione, & deprehensis armis, gratias  
 Deo egit, mihi vero & libertatem &  
 amplissima præmia promisit. Inquirun-  
 tur rei, damnantur. differtur in diem se-  
 quentem supplicium. Deus innocentiam

*Malum  
 consi-  
 liū con-  
 sulcori  
 pessimum.*

meam diutius latere noluit. Dum enim capsula quædam aperitur, ut ex ea vexilla malis & antennis pro more dici festi & insignis ob patefactam conjurationem lætitiæ, suspendenda depromerentur; nidus muriumprehenditur, ex armillæ de pileo heri mei, ut supra dixi, amissæ materia factus: qua agnita, mirum est quam & ipse Capitaneus & inprimis herus ille meus injuriam mihi factam doluerint. Sed nihil aliud solatii mihi audire erat quam: Nescivi. Factum nollem. Interea Sotus quoque ad mortem damnatus, peccatorum exomologesi facta, inter alia non fraudem tantum qua furtum argentei disci mihi imputatum fuerat, verum etiam insidias de me occidendo fassus est; culpam apud me deprecatus. Miserebat me quidem hominis: gaudebam tamen innocentiam meam vel sic tandem in lucem emeruisse. Ex eo nemo erat qui non libertate adeoque singulari præmio dignum censeret, inprimis ipse Præfectus; qui diligenter scriptis ad Regem omnibus, facile libertatem mihi impetravit.

## CAPUT V.

*Gusmanus servitute liberatur:  
deque virtutis vi differit.*

**D**UM Sotus cum socio in quatuor laceratus partes, quinque alii laqueis suffocati, nonnulli virgis cæsi meritas luunt pœnas: liber ego Capitanei permissu, oberrabam. Vigilanti, dormienti multæ occurrebant cogitationes. Sed illud inprimis tum intelligere cœpi quam præsens esset in miseriis omnibus asylum, quam firmum contra omnes necessitates telum innocentia. Inter res *Bona* omnes, meo iudicio, nihil melius, nihil *vis con-* preciosius, nihil jucundius est bona *scientia.* conscientia: quæ vere, ut Sapiens dicit: *Iuge est convivium.* Senti ego vim utriusque, bonæ scilicet & malæ conscientiæ, non semel; sed maxime in extremis servitutis meæ miseriis. Ut antea dum rebus operam dabam illicitis, etiam quum, humano more ut loquar, bene mihi esset, animo tamen male erat; ita tunc culpæ immunis, vel in medio Phalaridis tauro, bona tantum mea conscientia involutus, suaviter vivere adeoque triumphare mihi videbar. Agnoscebam vim virtutis: quæ una (loquor verò de eâ quæ cum vera pietate conjuncta

*Fallunt  
externa.*

juncta est ) adversis rebus præbet solatium , & animum supra humana attolit. Cæcus interim est Mundus , & de quibuscumque rebus cæcorum more judicat. Laudat multos à conjecturis exterioribus , eo quod vitam agant austeram : animum interim tam mali quam boni fontem non videt. Multi sericis & byssinis vestibus asperrima circumferunt vitia , mollibus lectis incubant , delicatis vescuntur cibis , & deorum quasi vitam agere videntur : quibus tamen , si animum daretur inspicere penetralia , felicitatem hanc nemo invideret. Instat illis carnifex assiduus mala conscientia , & ut Democli illi omnium deliciarum oblivionem adeoque fastidium affert. Umbra hi , non ipsam virtutem sectantur : nescientes *quid distent æra lupinis*. Solidum quid virtus est , non inane. Hinc quæcumque , seu læta seu adversa Fortuna ,

*Horatius.*

*Fragili quærens illidere dentem ,  
Occurreret solido :*

Instar palmæ virtus est : quæ quanto magis deprimitur , tanto magis sese erigit. Et profecto ita est. Prosperis rebus enervatur ferè in plerisque Virtus ; adversis roboratur. In me id verissimum sensi : quem nisi Deus tot calamitatibus excitasset , procul dubio in vitiorum obdormivissem veterno, *Quid ni satius sit* (cum Latino.



Latino Sapiente loquar) *perpetuam in felicitatem quæ advocat ad virtutem, sustinere, quam infinitis atque immodicis bonis rumpi? Sed quem melius de Virtute ac veris bonis differentem audiamus, quam hunc ipsum Sophum? Puta Deum dicere: Quid habetis quod de me queri possitis vos quibus recta placuerunt? Aliis bona falsa circumdedit; & animos inanes velut longo fallacique somnio lusi. Auro illos, argento & ebore ornavi: intus boni nihil est. Isti quos pro felicibus adspicitis, si non quæ occurrunt, sed quæ latent videritis, miseri sunt, sordidi, turpes, ad similitudinem parietum suorum extrinsecus culti. Non est ista solida & sincera felicitas, crusta, est & quidem tenuis. Itaque dum illis licet stare & ad arbitrium suum ostendi, nitent, & imponunt: quum aliquid incidit quod disturbet ac detegat, tunc apparet quantum vitæ ac veræ sæditatis alienus splendor absconderit. Vobis dedi bona certa, quanto magis versaveritis atque inspexeritis, meliora: majoraque promisi vobis, metuenda contemnere, cupienda fastidire. Non fulgetis extrinsecus: bona vestra introrsus obversa sunt. Sic Mundus exteriora contempsit, spectaculo sui lætus. intus omne posuit bonum. Non egere felicitate, felicitas vestra est. Idem alibi inter virtutem & voluptatem ullam comparationem instituendam negat,*

*Cur bon.  
vir. mal.  
acc. c. 6.*

De vita  
beat.  
c.7.

gat, ajens : *Altum quiddam est virtus, excelsum, regale, invictum, infatigabile; voluptas humile, servile, imbecillum, caducum, cujus statio ac domicilium fornices & popinæ sunt. Virtutem in templo invenies, in foro, in Curia, pro muris stantem, pulverulentam, coloratam, callosas habentem manus; voluptatem latitantem sæpius ac tenebras captantem: circa balnea ac sudatoria, ac loca ædile metuentia, mollem, enervem, mero atque unguento madentem, pallidam, fucatam, & medicamentis pollinctam. Quis de Virtute aptius meliusve dissertare possit? Sed ut metalla quædam auri colore tingi possunt atque obduci, in substantiam transmutari non possunt; ita sunt imagines quædam seu Umbræ Virtutis, nihil præter speciem habentes. Nihil certe solidi in me fuisse, sequens tibi paucis ostendet Narratio.*

## C A P U T VI.

*Histrionibus seu Comædis se applicat Gusmanus, & multas regiones pervagatur.*

**E**x Orci liberatus faucibus, pertæ sus patriæ, in Galliam sum profectus, cum firmo mutandæ in melius vitæ

vitæ proposito. Sed ut res unaquæque ad centrum suum tendit, ita animus meus totus terrenis rebus occupatus nihil cœleste aut divinum sapiebat. Nihil de hoc hominum genere libet dicere: certum tamen est, si non omnes, plerosque tamen suis tantum militare cupiditatibus. Eram vero toti Collegio, quod diversis nationibus constabat, optatus admodum socius. nam & cithara satis peritè ludebam, & Italicè, Hispanicè, Latinæ, Gallicè etiam (ut Latinam linguam taceam) loquebar: tum ad omnes personas agendas eram habilis. Id unum mihi perplacebat inquieti ingenii homini, quod nullibi diu moram traheremus: unde factum ut plerasque totius Europæ regiones, Germaniam inprimis fuerim pervagatus: in quibus singulis multa notavi quæ peculiarem requirunt librum. Bellum tum in Belgio fervebat, unde pleraque itinera admodum erant infesta. Jam Choragus noster uxorem cum sarcinulis Monasterium, Westphaliæ præcipuam urbem, præmiserat. Ingredimur & nos iter, in quo quum à prædonibus ac lopodytis circumventi essemus, viriliter tamen repugnaremus, Choragus noster solus cecidit, & uxorem viduam reliquit: quæ jam dudum in me oculos con-

conjecerat, eoque tanto facilius meo  
hero successorem admisit. Quum vero  
ob belli misérias & annonæ caritatem  
officina nostra frigeret, & dramata no-  
stra paucos haberent spectatores; non  
diu ibi morati, per Hassiam Francofur-  
tum contendimus, ut in nundinis ibi  
merces quoque nostras exponeremus.  
Quum bene admodum successisset hic  
negociatio: reliquas etiam urbes prima-  
rias, Norimbergam, Augustam, Ul-  
mam, & quas non? obimus. Accidit no-  
bis in itinere quiddam, quod silentio  
præterire non possum. Dum exhaustis  
pæne crumenis vagamur, occurrit nobis  
homo pannosus, statura ac vultu deco-  
rus, stipemque à nobis petit. Statim mi-  
hi in mentem venit non illepidum stra-  
tagema. Quæro ex homine, an nostro  
velit Collegio sese adjungere, id si fa-  
ceret, fore ut splendido vestitu amictus  
incedat, adeoque Comitum personam  
sustineat. Exsultans homo gaudio, con-  
ditionem, etiam quamcumque ei perso-  
nam imponeremus, accipit. Jubeo Co-  
micum referari appararum, & abjectis  
pannis, hominem uno de splendidiori-  
bus vestitu induo. addo catenam au-  
ream, annulos, & cetera, quibus stulto-  
rum natio Mundo inservientium sese  
ostentat. Leodium ingredimur, urbem  
ambi-

ambitu amplissimam, amœnissimam situ, opibus locupletē. Non histriones nos aut Comœdos, sed magni Comit̃s (qui ille ipse erat novitius) familiam mentimur. Ille, uti jussus erat, singularem tam vultu quam moribus præ se ferebat gravitatem, non verbis sed nutu imperans, ad singula quasi fastidians, atque ita se gerens ut primariæ Nobilitatis germen dixisses. Biduo inter tantam gravitatem transacto, quærimus ex hospite de mangone aliquo, cui preciosæ res venales essent. Ait, notum sibi hominem, qui vel Regi sufficientia haberet Cimelia. Adducitur quidam è mangonum genere, merces suas, spintheres, armillas è gemmis & margaritis factas, varii generis cimelia ostentat. Fingo illa ad Comit̃em mensæ assidentem, & singulari morum gravitate tuburcinantem me ferre; mecum tamen servo. Redeo ad hominem, salva quæque & integra refero. Ajo, herum jam aliquantulo plus genio indulgisse. de emtione certi jam nihil cum ipso statui posse. Rediret post horam unam aut alteram: interea sua secum asportaret. Ille qui Aulæ me præfectum putabat, asservare interea jubet. (incivile enim videbatur tantæ dignitatis hominibus fidem non habere) & singula excutere. Primo vespere sc̃sc

*Ravi ho-  
die tales.*

sese rediturum. Non spe jam prædæ, sed ipsa præda manibus meis objecta, sociis quid faciendum sit innuo. Jam Comicus ille Comes potu ciboque ita se onerârat, ut somno sibi opus esse diceret. Componimus hominem in lectum. mox, ut sit, alii aliò properamus, in publicum prodimus, urbem, uti hospes putabat, lustraturi. Advesperascit interim. redit mango. quærit de Comite. Altum adhuc ille stertebat : quum verò nostrum nemo rediret ( jam enim nos Ambianum versus iter ingressi eramus ) & ille horam fere expectasset, jubet excitari Comitem, & utrum de Cimeliis emere aliquid vellet, quærit. Negat ille de Cimeliis quidquam sibi constare. Quæreret ex Aulæ suæ Magistro quidnam rei illud esset. Ille verò jam Pegaseis avolârat alis : nec quisquam ex omni famulatio comparabat. De fraude igitur suspicati, homini manus injiciunt : fatetur ille rem omnem : & in carcerem compactus, simplicitatem hanc suam virgis cæsus luit.

*Gusmanus uxore ducta, cauponam exercet, & ab Alchymistis misere deplumatur.*

**H**IS aliisque onustum spoliis jam histrionix tædere me incipiebat. Divisa igitur inter collegas prædæ parte, cum uxore quam interea solenni ritu mihi junxeram, magis stabile vitæ stabulum mihi constituere statuo. Ex omnibus vitæ generibus commodissimum mihi visum erat Cauponam exercere: quod eas omnes artes quibus opus est, tam longa peregrinatione ad unguem perdidicissem. Nec quidquam sane ad hoc vitæ genus uxore mea erat aptius. Inter omnes regionum laudes postrema certe non est hospitiorum seu diversoriorum commoditas: quæ qualia esse debeant non disputo; qualia sint, cum Erasmo, cum Lipsio, tecum etiam, mi Lector, fortasse non ignoro. Qualis vero ego fuerim hospes paucis indicabo: tu, an multi tales sint, judicabis. Omnes ego tamquam Orcus ad me receptabam, præter eos qui ultro paupertatem suam fatebantur, & ob Dei amorem vel unius noctis diverticulum quærebant. Non lixa, non calo, non me-

*Diverso-  
riorum  
mores.*

meretrix, non prædo, non latro mihi gravis erat, modo adferret unde sumtum posset facere. Fieri patiebar quidquid fieri potest, si argenti sonitus aures meas verberasset. Etiam ipsa uxor mea talis erat uti ultro hospites non alliceret modo, sed etiam tamquam Ulyssis socios, gustata loto, quamdiu crumenæ fides constabat, detineret. Nec ancillæ decrant earum omnium artium peritæ quibus homines inescantur. Famulos habebam ad omnem fraudem compositos: quorum opera ad omnes res mihi erat utilis. Vinum miscebam, diluebam, itaque adulterabam ut quamvis nautea prius fuisset, plerisque tamen nectar videretur. Duplici utebar mensura, iusta interdiu, iniusta noctu, quin etiam tenuissimum sindonem cantharo injiciebam ( fieri hoc memini ) cui superinfusum vinum mihi cum lucro ad cellam redibat. nec jumenta fraudes meas vitare poterant, quibus famuli affusum pabulum mox sublegebant, rursusque aliis admetiebantur. Carnes etiam morticinas, pisces jam foetidos, & quidquid ad manum erat, hospitibus tamquam delicias objiciebam. Sed nihil magis rem meam familiarem auxit, quam quod coëmto undique à rusticis frumento annonam flagellabam, & quæ  
vili



vili emeram precio, maximo distrahebam: Quid multa? Brevis tempore institutoris meis artibus multa ducatorum millia confeci, tacite in sinum meum gaudens, palam etiam iis qui dum Musarum sectantur castra vix habent unde famelicam vitam sustentent, medium ostendens digitum.

Sed ecce dum rex mihi videor, dum Cræsi quasi possideo thesaurum, nescio quis malus genius aliud mihi objicit infortunium. Venerant ad me unus & alter, bene vestiti, & tant'auro quam argento instructi. Rogant ut paulisper sibi commorari mecum liceret, ejusmodi enim esse quod tractent negotium ut dierum aliquot moram postulet. Quidnam illud esse scire mihi cupienti varia ostendunt instrumenta, tum libros mirificis characteribus conscriptos. Facile intellexi Chymistas esse: & ipsa natura curiosus, rogo ut si non secreta, prima tamen artis suæ rudimenta mihi patefacerent. quod illi non gravate fecerunt, ita ut varios liquores è quacunque materia eliciendi artem brevi ab eis didicerim. Hac velut promulsive illecto persuadent illi mihi, Aurum se è reliquis metallis posse facere: eaq; edunt vidente me specimina, ut de rei veritate nequaquam dubitarem. Quid vero Auri

caussa non facerem? Totum me illis addico. Statuitur fornax, comparantur instrumenta, inflantur folles, miser Mercurius fictili vasi quasi sudatorio includitur: me & sumtus subministrante, & operam quoque ubicumque possem impendente. Quum autem aliquando negotii cujusdam causa peregre essem profectus; nequissimi illi homines, qui diligenter hactenus omnia notarant, uxorem meam solam nacti, cistæ in qua omnis mea asservabatur pecunia, referare cogunt, auferunt vidente illa, & frustra (globum enim in os ei iniecerant) vociferari gestiente cum pulvisculo omnia, atque ita vineta illa relicta, abeunt atque excedunt: quæ quidem ex ea re tantum concepit dolorem ut in lethalem inciderit morbum, & intra paucas horas fuerit extincta. Domum ego reversus ubi vacuum inveni ærarium, uxorem mortuam, res spesque meas omnes ablatas, casum hunc quidem meum acerbissime tuli, mox tamen in consilium advocato animo, nihil melius facturum me putavi quam si qui primitias ætatis meæ Mundi consecraram vanitatibus ejus extrema saltem Deo ac veræ pietatis exercitiis dicarem. O infelicem te (sic apud me cogitabam) insipientem ac plane perditum, Gusmanum!

An-

Annon tot annorum experientia, tam muki prosperi atque adversi casus satis tibi persuadere potuerunt, Vana esse quæcumque sub sole sunt? Quid enim non expertus es, quodnam vitæ genus non es ingressus, quæ pericula non adiisti, quas misérias non sustinuisti, ut corpori tuo esset melius? Elanguit interim, & quasi captiva gemuit anima tua, tot fœda peccatis, tot percussa calamitatibus, tot districta angustiiis, tot lacerata cruciatibus, ut nihil aliud quam interitum exspectet. Tandem, tandem evigila Gusmane; & rem preciosissimam, immo omnibus Mundi thesauris preciosiorem in tuto colloca. Noli amplius divina abuti patientia: quæ ut ad pœnitentiam te invitat, ita diu moranti graviora statuet supplicia.

## CAPUT VIII.

*Gusmanus relicto Mundo in eremum se confert, & reliquos annos divino cultui impendit.*

SUGGEREBAT hæc animo divinus spiritus, carnem interim mundanæ stimulabant cupiditates: quas malorum hominum consortio incendi non igno-

rans, in cremum conferre me statui. Vitares, inquis, malorum consortia. Quomodo vero ego aut quisquam alius hoc facere possit? Ubi non illi? Etiam qui boni videntur contagionem afferunt. Nihil ergo jam mihi placebat præter solitudinem: in qua dum oberro, & inter cogitandum in has voces erupeßem: *Quo ego ibo?* vocem audio: *Ad pœnitentiam eas.* Territus circumspicio: Eremitam video è casula sua erepentem. Dubitantem ille me humanissimis verbis compellat, & Mi fili, inquit, cujus tu vocem audisti ego sum. Nota mihi est præsens tua cura & sollicitudo. Viam quæсивisti quam in eas, ostendi tibi. Pœnitentiam dixisti, mi Pater, inquam. Sed quid illa est? Equidem, ut verum tibi fatear, animum meum sæpe illa subiit, in peccata tamen labi ac relabi sinist. Ille, Non vera, inquit illa fuit pœnitentia, sed pœnitudo quædam, & tædium seu fastidium non tam peccati quam peccatum sequentis pœnæ. Pœnitentia quam ego dico, averfio est à diabolo, conversio ad Deum, resurrectio à vitiis, carnis mortificatio, & cum Deo melioris vitæ pactum. Cujus vis quanta sit, B. audi Bernardum sic prædicantem: *O humilitas pœnitentium, ô beata spes confitentium, quantum vales apud omnipotentem, quam ci-*

to vincis invincibilem! quam cito tremendum  
 Iudicem convertis in clementissimum Pa-  
 trem! Cave vero putes illud sufficere,  
 ut agnoscas peccata, sed defleas quoque  
 & vites in posterum necesse est. Ut pec-  
 cata impios æternis addicunt suppliciis,  
 ita vera animi contritio iisdem liberat.  
 Vide mihi furem aliquem aut prædo-  
 nem, qui jam jam ad supplicium duci-  
 tur. Cui si rex aut Princeps quispiam  
 occurrat & roget, Quo tu, miser duce-  
 ris? Ad supplicium, inquiet ille, utpote  
 furti aut latrocinii convictus. Quod si  
 rex dicat: Miseret me tui. Tu si mihi  
 credere & quod petiturus sum spondere  
 velis, liberum te esse jubebo: id vero  
 hoc unum est ut peccati te pœniteat:  
 quo gaudio illum exsultaturum, quid  
 non promissurum putas? Tu, tu, mi Gus-  
 mane, in tot peccatis deprehensus jam  
 inibi es ut ad æternum ducaris suppli-  
 cium, juxta illud, *Funes peccatorum cir-  
 cumplexi sunt me.* Item: *Iniquitates sue  
 capiunt impium, & funibus peccatorum suo-  
 rum unusquisque constringitur.* Sed occur-  
 rit tibi Deus dicens: *Vbi es? quò vadis? Le-  
 va oculos tuos in directum, & vide ubi pro-  
 stratus sis:* Sed doleas, doleas, inquam,  
 ad infernum proficiscens, ut diabolo ibi  
 excarnificandus tradaris: doleas iterum  
 atque iterum: & veniam impetrabis.

Hæc enim ipse ego loquutus sum : Si impius egerit pœnitentiam ab omnibus peccatis quæ operatus est, & custodiverit omnia præcepta mea, & fecerit judicium & justitiam, vita vivet, & non morietur : omnium iniquitatum ejus quas operatus est non recordabor. Et quare moriemini domus Israël ? quia nolo mortem peccatoris, dicit Dominus.

Sed non satis est ut doleas, sed opus etiam ut ita te divinæ insinues gratiæ, ne unquam ea excidas. Si forte Eques aliquis opulentus iter faciens in latrones inciderit, & ab eis despoliatus fuerit : eidem ita nudo oberranti rex occurrat & quærat unde veniret, cur ita nudus oberraret : ille vero respondeat, se incogitantia sua in latrones delapsus, & ab eis spoliatus : tum rex sic eum alloquatur : Id tantum age, mi homo, ut de incogitantia illa tua, qua tot bonorum fecisti jacturam, doleas, nec dubites amissa omnia atque etiam ampliora à me tibi redditum iri : numquid tu illum ex animo doliturum putas ? Tu, mi homo, bona tibi à Deo credita, immò ipsum Deum, summum bonum, per summam incogitantiam & flagitia tua amisisti : tu equum tuum, animam scilicet, quæ corpori imperat & velut inquitat, perdidisti. Sed benignissimus ille

ille cœlestis rex adest, & omnium bonorum restitutionem tibi pollicetur.

Cave imprimis ne in divinam iram relabaris, qua nihil est magis horrendum. Quod si Rex aut Princeps suorum subditorum alicui amplissimum promiserit præmium, is vero maleficiis suis eo indignum se reddat: princeps nihilominus ei dicat: Tu quidem indignum teipsum promisso fecisti beneficio, sed dole tantum id à te factum, meque etiam ablata tibi restitutum crede: quem ille dolorem sibi non subeundum putaret? Tibi quoque mi, homo, æternæ gloriæ facta est promissio: quam propter peccata amisisti. Sed occurrit tibi animæ tuæ Salvator Jesus Christus, & restitutionem pollicetur: tu modo doleas divinam iram abs te provocatam; eamque omnibus viribus vites.

Ut luxatum aliquod corporis membrum sine dolore in locum suum, ita nec anima sine dolore in divinam potest restitui gratiam: qui si verus animo infederit, externis indiciis, lachrymis, moribus ac totius vitæ conformatione se prodet: quibus si fides, spes, charitas, bona scilicet opera, accedant, non dubium est quin magnam spem salutis habere quis possit.

Sed longum facturus sim, si quæ bo-

nus ille vir animo meo inculcavit, singula recensere velim. Lampadem hanc Theologorum trado nationi: hoc ad extremum indicare tibi contentus, in ejus Eremitæ consortium me venisse, sicque Mundo quasi esse mortuum. Tu Lector, bona imitare, mala fuge.

F I N I S.



NE



**N**E sequentes vacarent pagellæ, has  
precatiunculas addere placuit.

## PRECATIO ADVER- sus mundi scandala.

**O** Magni Deus architecte mundi ,  
Et mundi Deus impii redemptor ,  
Cujus tot benefacta , quot virentem  
Flores veris humum novi colorant ,  
Unius tamen æstimat nec assis.  
Quin sædo scelerum luto sepultus ,  
Pro tantis odium bonis rependit.  
Tu custos igitur meæ salutis ,  
A mundi illecebris , & à caduca  
Terrenæ specie beatitatis  
Ad cælestia transfer appetitum.  
Ab quam difficile est mihi tot & tot ,  
Immersos scelerum lue videre ,  
Et vitare tamen , nec æmulari,  
Nativa vitiositate pleno ?  
Conatus igitur meos , & omnem  
Tu vitam moderare , ne perennem  
Sim mundi comes hujus in gehennam.  
Qui tantò scelerum magis nefanda  
Crescit colluvie , suprema quantò  
Apportat propius dies ruinam.

Hac tu me pater è specu malorum  
Ereptum tibi consecra , tuis sim  
Addictus monitis : sit omnis in te ,  
In te solo animi mei voluptas.  
Te suspiria , vota , lacrymæque

Ex desiderio tui fluentes  
Mundi quisquiliis petant relictis.  
A te Christe Deus tuum popellum  
Pendentem rege, duc manu, tuere :  
Ne forsán speciosiore mundi  
Allectus facie simul scelestis,  
Mundi moribus ( ut fit ) assuescat.  
O cælo Deus aura flans ab alto  
Menti illabere tu meæ, aureæque  
Ardentem pietatis inde flammam.  
Tu desiderii mei magistra ( vim :  
Omnem surrige ad astra sensuum  
Donec carceris hujus exolutus  
Vinclis, æthereæ ( quod usque & usque  
Anhelat mea mens ) sodalitati  
Addar, sancta tuo Trias favore.

## PETITIO PACIS.

Qui præpotenti magne DEUS manu  
Mundi triformis sceptrâ tenes, tuum  
Pressi clientes tot periclis  
Auxilium precibus vocamus.

Desendat alto pax bona ab æthere  
Terrasque pennis ambiat aureis :  
Ut gens ab omni Christiana  
Tuta Deum celebret tumultu.

Armata sævis cesset Erynnium  
Bellona flagris : omnis & impio  
Frustratur eventu tyrannis  
Quæ fuit innocuum cruorem.

Non

Non inquieti buccina classico  
Accendat iras militis : urbium  
    Funesta nec tormenta muros  
    Terrifico quatiant fragore.  
Æterna pacis fœdera sanciant  
Rerum potentes , præcipuè quibus  
    Vnius una , & pura Christi  
    Relligio , pietasque cordi est.  
Ne jus , & æquum vis fera suppressat ,  
Verbive cursum præpediat tui  
    Belli tumultus , literarum  
    Nec pereant fabricæ bonarum :  
Possessionis quisque suæ satur  
Per vim , quod ultra est , diripiat nihil ,  
    Tranquillitatem nulla turbet  
    Ambitio genitrix furorum.  
Tu factionum fœdera dissipa :  
In Christiani perniciem gregis  
    Consarcinatos rumpe caeses.  
    Vis inimica ruat dolusque.  
Vasto in malorum gurgite nantibus  
Cælo potentem porrige dexteram ,  
    Sacris dicatam nec profano  
    Servitio patearis angî  
Hereditatem : sic tua perpetim  
Crescet per orbem glôria : sic tuum  
    Sub pacis innotescet umbra  
    Nomen utroque sub axe mundi  
Infusa in almæ Relligio sinum  
Pacis quiescat : Iustitia his soror  
    Accedat : hæc junctis quod usquam est  
Tres

Tres manibus Charites beabunt.  
Contentionum seua cupiditas :  
Injusta vis , impura fides procul ,  
Procul faceessant : hæ quod usquam est  
Tes furie stygis inquietant.  
Si qua ergo nostris in regionibus  
Lis orta gliscit , principis tuo  
Obsiste nutu ; ne favilla  
Crescat ab exigua furoris  
Immensus ignis : bellaque tot malis  
Fecunda, vastis quot mare fluctibus.  
Armis sed exutis ut alter  
Induat alterius favorem.  
Ut te benignum carminibus Patrem  
Natumque maiestate parem , parem  
Virique Flatum , personemus  
Compositi palcida quiete.

F I N I S.

VA1 1532547

~~023320~~



